

P.T.39.

GEMMÆ SELECTIORES

Magnæ Pietatis ac Devotionis cādore.

S P L E N D E N T E S,

P̄frenita Cam Ex Non Argentum

Locupletissimo

SACERDOTUM, ac CLERICORUM
THESAURU

D E P R O M P T A,

Omniumq; pie ac dignè Christum su-
mere cupientium usui

E. Mont. A Argentum

R D ADAMO MALOWIESKI

Canonico Regulari Lateranen:

Præposito Błonensi

ACCOMMODATAE,

Anno Dñi. 1690.



VARSAVIAE,

Typis Collegij SCHOLARUM PIARUM.

Necesse est Sacerdotem sic esse
purum, ac si in cœlis ipsis collo-
catus inter cœlestes illas virtu-
tes medijs staret. *S. Chrysost.*



Clamat vestis Clericalis animi
honestatem , clamat status puri-
tatem, clamat professio Religio-
nem, clamat officium devotio-
nem , clamat studium contem-
plationem . *S. Hieronymus.*



PRÆFATIO

^{AD}
Amicum Lectorem.

Post funestissimum il-
lum ante omnes alios
casum , quo Patria hæc
longè lateq; vastata , ac
omni decore suo spolia-
ta, propè triennium Sve-
corum premebatur cal-
ce, obesus est mihi à
quodam amico libellus
nomine THESAVRI SACER-
DOTVM insignitus , fugi-

entibus Svecis cùm alia
præda excussus. Fortasse
secretâ quâdam Dei pro-
videntiâ; vt cùm pretiosa
omnia abstulissent hostes,
pretiosissima quæque re-
linquere cogerentur, qui-
bus miserè expoliati Sa-
cerdotes, saltem Pauper-
tatem Spiritùs ac devoti-
onis depellere possemus.
Oblatum ergo dictum
THESAVRVM ubi semelite-
rumq; diligentiús revol-
vi, adeò refertum preti-
osissimis quibusq; Pieta-
tis ac Devotionis cime-
lij

lijs reperi , vt indeficien-
tem , mihiq; indigno sin-
gulari quodam Dei be-
neficio concessum repu-
taverim ; quatenus ege-
stati illi meæ , quâ arida
quandoq; in obsequio
Dei laborabat anima , hoc
modo consulterem : quod
& facere semper studui ,
nunquam sponte com-
mittendo , (aut omitten-
do potius) quin aliquid
quotidiè in Spiritualem
profectum ex oblato mi-
hi THESAVRO deprome-
rem . Hinc factum est ,

vt per annos propè trī-
ginta, quibus beatum me
esse hoc sacro munere li-
cuit, tunc solummodò
pauperem me senserim,
quando ex eo nihil in
commodum animæ de-
prompsi, aut (quod ali-
quoties contigit) perdi-
tum fuisse indolui. Fate-
or tibi amice Lector,
amissi libelli damnum
multò pluris semper æsti-
mabam, quàm cuiquam
videretur. Et né fre-
quentius ex repetita ejus
amissione dolere coge-
rer,

ter , similem alium habē-
re cupiens , ab aliquibus
Bibliopolis requisivi :
cumq; acquirere non pos-
sem , rarissimum esse hac
in Patria deprehēdi. Tūm
verò subiit animum me-
um , quatenus spirituale
hoc gazophylaciū reim-
primi curarem , quod &
feci ; selectiores ac rario-
res devotionum gemmas
(pucissimis quibusdā in-
termisis) ex eo depromē-
do. Prima quidem inten-
tione, vt Admodū Rñdos
DD. Canonicos Latera-

nēnſes Canonicae Cerve-
nensis Spiritualibus hisce
divitijs locupletarē, dein-
de ut omnes piē ac sanctè
Deo servire, sacraq; Syna-
xi dignè vti cupientes,
pro meis juvarē viribus.
Bonī quæſo cōſule Ami-
ce Lector, & æquā mēte
ſuſcipe, quod ab animo
ſinceræ pietatis tuiq; pro-
gressus ſpiritualis studio-
ſo, profectum eſt.

Ad majorem ejus honorē,
cui ſervire regnare, eſt
cuiq; laus & gloria, per in-
finita ſæcula ſæculorum.

Amen.

P R A E F A T I O
C H R I S T I A D
S A C E R D O T E S ,
E T C L E R I C O S .

G E N E R I E L E C T G ,
R E G A L I

S A C E R D O T I O ,
G E N T I S A N C T Æ
P o p u l o a c q u i s i t i o n i s , &c.

C H R I S T V S ,
S A C E R D O S I N Æ T E R N U M
S E C U N D U M O R D I N E M
M e l c h i s e d e c h .

F o r m a n d æ d i g n i t a t i s c o m m e n d a t i o n e m ,
& s a c r i M i n i s t e r i j f i d e l e m
e x e c u t i o n e m .

P I scatores hominū Sacerdotes mei
Præcones veridici, lucernæ diei,
Charitatis radio fulgentes, & Spei,
Auribns percipite verba oris mei.

A

Vos

² Vos in Sanctuario mibi deservitis:
Vos vocavi palmites: Ego vera vitis:
Cavete ne steriles, aut inanes sitis,
Si mecum perpetuo vivere velitis.

Vos estis Catholicæ legis protecto-
res,

Sal terræ, lux hominū, oviū Pastores
Muri dom⁹ Israel: mortū corrēctores,
Vigiles Ecclesiæ, Gentium Doctores.
Si legis protectio cadat, lex labetur:
Si sal evanuerit, in quo salietur?
Nisi lux appareat, via nescietur:
Et ni Pastor vigilet, ovile frangetur.

Vos capillis vincā meā procurare.
Hāc doctrinæ rivulis debetis rigare,
Spinas atq; tribulos prors⁹ extirpare
Ut radices fidei possint germinare,

Vos estis in area boves triturantes,
Prudenter à palea grana separātes:
Vos habēt pro speculo legem igno-
rantes

Populi, qui fragiles sūt & incōstātes.
Quidquid vident laici vobis disipli-

cere,

Dicunt procul dubio sibi non licere,
Et quidquid vos opere vident adim-
plere,

Cre-

Credunt esse licitum, & culpā carere.
 Cum Pastores ovium sitis constituti,
 Ne estote desides sicut canes muti.
 Vobis non deficiant iatratus acuti,
 Lupus rapax invidet ovium saluti,
 Grex fidelis triplici cibo sustinetur,
 Meo sacro corpore, quo salo augetur.
 Sermonis copēdīo quoddiscretē detur
 Ciboq; corporco, ne periclitetur.
 Omnib⁹ tenemini vestris prædicare
 Sed quid, quibus, qualiter, ubi, quan-
 do, quae,
 Debetis sollicitē præconsiderare.
 Ne quis in officio dicat vos errare.
 Spectat ad officiū vestrā dignitatis,
 Omnibus potentibus mea dāre gratis,
 Nec cuiusquā hominū munera pēdatis
 Gratis Eucharistiam plebi ministriare
 Gratis & absolvere, gratis baptizare,
 Vobis data cœlitus cūcta gratis dare,
 Oviumq; salutem sedulō cuiare.
 Vestra conversatio sit religiosa,
 Munda conscientia, vita virtuosa,
 Regularis habitus, mensq; gratiōsa,
 Nulla vos coiquinet labes criminosa
 Nullus fastus elevet statum vestræ
 mentis,

Grauis in intuitu habitus sit testis.
Nihil vos illaqueat curis in honestis,
Quibus claves traditæ sunt Regni
cælestis.

Egitote breviloqui, ne vos ad reatum
Pertrahat loquacitas, nutrix vanitatū
Verbū quod loquimini sit abbreviatū
Nam in multiloquio non deest pec-
catum.

Estote benevoli, sobrij, prudentes,
Iusti, casti, simplices, pij, patientes,
Hospitales, humiles, subditos docētes
Consolantes miserōs, pravos corri-
gentes.

Nam si sic gesseritis curā Pastorale,
Vereq; vixeritis vitam spiritalem;
Postquam exueritis chlamidē carnalē
Ipse vobis conferam stolam immor-
talem.



PII SACERDOTIS
EXERCITIVM
QUOTIDIAN' M

O ÆTERNITAS,
ÆTERNITAS!

Quarū altera fœlicissima , vel miser-
rima mihi , & fortè hodie obtinget :
cùm verò in morte Iudex advenerit
quid pro ÆTERNITATE fecisse vellē ?

DE DUPLO EXERCITIO
PII SACERDOTIS .

Pij Sacerdotis est, duo præcipue ex-
ercitia quotidie pro virili exe-
qui : Horas Canonicas interrè , reve-
renter , & attentè persolvere . Missæ
Sacrificium cum debita præparatio-
ne , animi puritate , & spiritu fervore
DEO offerre .

Quantnm ad I. videlicet Horarū re-
citationem , curet Sacerdos virtuale
saltem habere intentionem Deum
laudandi & honorandi , idq; exclusis
distraktionibus , quibus protestetur se-

nolle assentiri. Ad quæ juvabunt
quæ sequuntur.

I. Præmittere orationem hanc in
fronte breviarij positam. Aperi Domi-
ne os meum. &c.

II. Curare debet ne aliquâ negligen-
tiâ, vel oscitantiâ partem aliquam
Horarum omittat.

III Post finem Officij dicat Orationē
Sacrosancta & individua Trinitati &c.
Quam devotè recitantibus Leo X.
Papa, defectus & culpas in eo persol-
vendo ex humana fragilitate contra-
etos, indulxit.

Quantum ad II. scilicet quotidianū
Missæ Sacrificium. I. meminerit Sa-
cerdos pietatis, studiosus verborum
Seraphici Doctoris D. Bonaventuræ
de fructibus Missæ.

Quando Sacerdos est absq; peccato mor-
tali, & in proposito bono, legitimum
non habens impedimentum, & non ex
reverentia, sed negligenter celebrare o-
mittit; tunc quantum in se est, privat
Trinitatem laude & gloria, Angelos læ-
titia, peccatores veniam, iustos subsidio &
gra-

Sacerdot.

7

gratiā, in purgatorio existentes refrige-
rio, Ecclesiam Christi Spirituali, & se-
ipsum medecinali remedio, omnibusq; bo-
nis provenientibus ex sacra Communio-
ne, quæ sunt peccatorum remissio, fomi-
tis mitigatio, illuminatio, interior refe-
ctio, Christi & corporis eius mystici in-
corporatio, virtutum roboratio, contra
diabolum armatio, fidei certitudo, ele-
vatio spei, excitatio charitatis, augmen-
tatio devotionis, & communicatio An-
gelorum.

H. Caveat, ne aut arida consuetu-
dine dactus, aut vana gloria, aut
(quod turpius) Ipe lucii ad Altare
sacrificaturus accedat: sed quotidiane
bonam ac piam sibi formet intentio-
nem, ad quam formandam proderit
deuotè legere sequentia.

GREGORIVS XIII.

PONT. MAX. concessit cuilibet Sacer-
doti dicenti ante celebrationem Mis-
saæ, quæ sequuntur, 50. annorum
Indulgentiam.

Fornax intentionis.

Ego volo celebriare Missam & cō-
ncere corpus, & sanguinem Do-

Exerc. quotid.

mini nostri Iesu Christi , juxta ritum
sanctæ Romanæ Ecclesiæ , ad laudē
Omnipotentis Dei , totiusq; curiæ tri-
umphantis , ad utilitatem meam , to-
tiusq; curiæ militantis , pro omnibus
qui se commenda verunt orationibus
meis in genere , & in specie , & pro
fœlici statu Sanctæ Romanæ Eccle-
siæ . Amen .

Gaudium cum pace , emendatione
vitæ , spatiū veræ pœnitentiæ , gra-
tiam & consolationem sancti Spi-
ritus perseverantiam in bonis operi-
bus tribuat nobis omnipotēs , & mi-
sericors Dominus . Amen .

*Alia forma intentionis ad Missam
celebrandam.*

Ad laudem & gloriam Sanctissimæ
Trinitatis , in memoriam Salva-
toris nostri IESV Christi , Vitæ , Pas-
sionis , Mortis , ac Resurrectionis , ac
operum & meritorum suorum , omni-
umq; Sanctorum vñionem . Ad laude
& exaltationem Beatissimæ Virginis
MARIÆ , Cœlestium Angelorum ,
Sanctorum atq; Sanctarum & signan-
ter

ter N. N. & aliorum Sanctorum; of-
fero etiam cum ipsorum beatorum
Spirituum laudibus, Sanctorumq; omni-
um precibus & meritis nunc & sem-
per, hoc, & omnia alia sacrificia,
officia, orationes & bona opera toti-
us mundi pro meis præsentibus & fu-
turis animæ & corporis necessitati-
bus, in auxilium & consolationem
meam, & in remissionem omn. pcc-
catorum meorum, quantum vera n
contritionem semper habere inten-
do, conor, & cupio, omniumq; vivo-
rum, & defunctorum meorum paré-
tum, & consanguineorum, amicorum,
inimicorum, benefactorum in spiri-
tualibus, & temporalibus, ac illorū
quibus fui gravamen, scandalum, &
occasio peccandi. Pro omni gradu
Catholicæ Ecclesiæ, ac illius conser-
vatione, augmento & exaltatione,
Christianorum Principum vnione,
hæresum extirpatione: Summi Ponti-
ficiis salute & animatum in purgato-
rio existentium liberatione. Pro con-
servatione & incremento omnium

Religionum. Pro conversione omnium infidelium. Pro mihi commissis & commendatis Denique pro illis omnibus vivis atque defunctis, pro quibus Dominus noster Iesus Christus & ejus Mater sciunt & volunt me deberre sacrificare: sic oro, obsecro, ac orare, obsecrare, sacrificare intendo ac propono, juxta intentionem sancte Romanæ Ecclesiæ, ego N. Minister licet indignus. In Nomine Patris & Filij, & Spiritus Sancti Amen.

Conscientiae discussio.

III. Formata intentione juxta Apostoli doctrinam Probet seipsum Sacerdos, antequam de Pane illo edat, & de Calice bibat. Quam quidem prohibitionem per conscientiæ discussionem opportune faciet, adhibita Confessione, vel saltem contritione, si desit copia Sacerdotis, & necessitas aliqua urgeat ad celebrandum: nam alias nullus Sacerdos sibi conscius peccati mortalis, etiam cui ex officio incumbit celebrare, potest aſque Sacramentali Confessione praemissa, ad sacram

Eu-

Eucharistiam accedere , quantum vis
sibi contritus videatur , vt declarat
Concil. Trident.

Quando formandus contritionis actus.

Frequens ejus usus à viris doctis &
pijs plurimùm commendatur: Primò
potissimum manè , vt Deo reconcili-
ati opera nostra alias mortua , meri-
toria vitæ æternæ offerre possimus.
Secundò vesperi in examine consci-
entiæ , contra repentinam mortem.
Tertiò post peccatum aliquod mor-
tale admissum , ne inimici Dei perse-
veremus. Quartò ante orationem , cū
non sit *Speciosa laus in ore peccatoris*.
Quintò in periculo mortis. Cuius qui-
dem contritionis actus formari potest
vt sequitur .

Domine Iesu Christe , vere Deus &
Homo , Creator pariter & Re-
demptor meus , doleo ex intimo cor-
de me tuam Maiestatem offendisse ,
cùm tu sis Deus meus & omnia quem
super omnia diligere & colere debeo.
Proinde firmiter statuo ac propono ,
me non amplius offendurum , sed o-

mnes peccandi occasiones devitaturum pro viribus, me insuper de noxis meis confessurum, & pœnitentiam quamcunq; imponendam impleturū. Ad pleniorē verò satisfactionem hodie tibi offero meipsum, vitā meā, omnes labores meos, omnia deniq; interiora & exteriora mea. Et quemadmodum delictorum meorum veniam supplex efflagito, ita me eā impetraturum confido: per infinitam misericordiam ac benignitatem tuā: per merita quoq; pretiosissimi sanguinis ac sanctissimæ Passionis. Te insuper daturum spero gratiam emendādi vitam meam, & in bono ulq; in finem perseverandi: intercedentibus pro me apud tuam clementiā B. Mariā sacerdoti Virgine Matre tua & omnibus Sanctis tuis. Amen.

Propinquior preparatio ante Missam.

IV. Sacerdos celebratus, ex præscripto Missalis Romani nonnihil Orationi vacare debet. Itaq; sepositis omnibus, se intra seipsum recipere conetur, quā maximā poterit efficacia tria sequentia obeudo:

Pun-

Puncta Considerationum ante Missam.
Primò, Præmissa consideratione,
quòd quamvis quicquid unquam San-
cti, imò omnis Angelorum ac cælitū
multitudo facere poscit, efficiat, de-
bitè tamen tanto mysterio se præpa-
rare nequeat; petat humiliter à Deo,
ut eo se disponat modo, quo gratio-
rem & acceptiorem immensæ suæ
Majestati futurum cognoscit. Et quòd
influxui divinæ gratiæ, divinisq; in-
spirationibus sit aptior hac ratione se
humiliet: ex una parte intuēdo quā
sit indignus tanto mysterio: in vilita-
tis atq; adeò nullitatis suæ abyssum se
demergat, considerando quòd non
solum ex nihilo nihil fit, verum etiam
fons & scaturigo peccati, esca infer-
ni, (à quo singulari Dei beneficio &
pretio est erexit) imperfectionibus,
negligentia, & corpore in bonis ope-
ribus nihil ex se, nisi dissipator divi-
næ gratiæ remaneat. Alia ex parte
abyssum divini amoris penetret, per
quem tam vili & abiecta creatura in
re tam sublimi uti voluit, nimirum
ad

ad consecrandum, offerendum, & recipiendum Corpus & Sanguinem Iesu Christi Filij Dei viventis. Adnitatur ergo omnibus modis cum redamare, benedicere, eique gratias referre.

Secundò, Præmissa Consideratione quid facturus sit Sacrum Missæ officium celebrando, nimirum non solū repræsentaturus, sed etiam rectè oblaturus Deo illud ipsum sacrificium, quod pro toto mundo Christus in Crucce obtulit: seipsum unà cum hoc incruento, vivum quodammodo Sacrificium & Holocaustum conjugat cruento illi Sacrificio Passionis, prece turque ex intimis cordis sui visceribus Christum Dominum, ut illo divino Ameris igne omnes suos defectus, imperfectiones & peccata comburere, atque consumere dignetur, qui eum impulit, & vitam pro nobis ponere, & acerbissimam mortem sustinere.

Tertiò, omnem intentionem, quo poterit maximo affectu, ad quatuor potissimum in celebratione quam perfectissime allequenda diriget. Primò
Deo

Deo maximam quam potest, & mere-
tur ipse gloriam exhibere, in unum
colligendo eam omnem, quæ ipsi ab
origine mundi data fuit, & quæ illi in
æternum dabiur à sanctissima Christi
Humanitate, & beatissima Virgine,
totaque Curia cœlesti: & cum hoc om-
ne ad comparationem tam immensæ
Majestatis peregrinum sit, addat eam
ipsam quam à seipso habet. Secundò,
ut gratitudinis officio (quod erga De-
um cū toto mūdo nobis comune est)
satisfaciat, offerat Deo Filium suum
donum infinitum. Tertiò, Memoriā
Passionis Christi in Missa multis mo-
dis repræsentatam, viva quadam mē-
tis repræsentatione renovare coten-
dat, Deo mortem Vnigeniti Filij sui
in satisfactionem mortis æternæ à
toto humano genere persolvēdæ, of-
ferendo. Quartò ut tutè Sacrificij hu-
jus acceptabilis, toti Ecclesiæ & mul-
tis particularibus negotijs & perso-
nis, quantum recordari decreverit,
modo sequenti, auxiliari tenetur.

Primiò Capiti Christi coronato spi-
nis,

nis offerat summum Pontificem cum omnibus Prælatis & statu Ecclesiastico; & omnes Principes.

Secundò, Lateri Christi Sanctam Ecclesiam, quæ, ut Sponsa ab eo in Cruce egressa est.

Tertiò, manui Christi dexteræ offeres benefactores & amicos: & Sinistræ persecutores & malevolos.

Quartò, pedi dextro, commendatos ex obligatione vel obedientia: Sinistro omnes qui sunt in peccato mortali.

Quintò Cruri, omnes Religiones à se de Apostolica approbatas.

Sextò, flagellis, sputis & alapis omnes Gentiles & Hæreticos, qui flagellant Christum.

Septimò, siti quam passus est imprimis scipsum: deinde illos qui sitiunt & desiderant ut Deum pro ipsis oret.

Octavò, Agoniæ & tristitiae quam passus est in horto omnes personas in tribulatione constitutas, & calamitates tam publicas, quam privatas.

Nonò, Morti Salvatoris, omnes defunctorū fidelium animas.

Ap-

Applicatio Missæ pro viuis.

V. Sacerdos sui in memor officij ante sacram debet sequentem aut similem Missæ applicationem devotè & cum affectu percurrere.

Memento Viuorum.

1. Mei parentum, fratrum, sororum, consanguineorum, & omnium amicorum meorum.

2. Omnium quibus fui gravamen, scandalum, & occasio peccandi.

3. Omnium benefactorum meorum in temporalibus & spiritualibus.

4. Omnium Sacerdotum, & Ministrorum Ecclesiæ Dei Catholicæ.

5. Omnium inimicorum meorum ad dimissionem.

6. Omnium Hæreticorum & infidelium ad conversionem.

7. Omnium agonizantium, improvisè morientium.

8. Omnium mihi commissorum in genere, & in specie, & omnium pro quibus vis & scis me debere orare.

Applicatio Missæ pro Defunctis.

Memento Mortuorum.

1. Ani-

1. Animarum parentum, fratrum, sotorum, consanguineorum, & omnium amicorum meorum.
2. Animarum, quæ, occasione mei, purgantur in Purgatorio.
3. Animarum omnium benefactorum meorum in spiritualibus & temporalibus.
4. Animarum omnium Sacerdotum, & Ministrorum Ecclesiæ Dei Catholicæ.
5. Animarum quarum non est species memoria.
6. Animarum omnium mihi committarum in genere & specie.
7. Animarum omnium improvisa morte corporibus exutarum.
8. Animarum existentium in Purgatorio, & omnium pro quibus vis, & scis me debere orare.

Brenes Sanctorum Litaniæ ante vel post Missam pro Sacerdotis opportunitate dicendæ.

Antiphona. O sacrum Convivium dñe.
Kyrie eleison. Christe eleison, Kyrie eleison. Christe audi nos Christe exaudi nos.

Pater de cœlis Deus qui per æternū tibi

tibi Filium cuncta creasti, eumq; pro mundi reparatione carnem suscipere voluisti, ut ego indignus Sacerdos ejusdē Filij tui corporis & sanguinis sacrificium dignè, tibiq; acceptabili- ter offerre possim. Miserere mei.

Fili Redemptor mundi Deus, qui sacri corporis & sanguinis tui sacrificium in memoriam amarissimæ Passionis tuæ instituisti, ac pro vivis & defunctis in Ecclesia offerri voluisti: ut ejusdem sacrificij dignus minister inveniar. Miserere mei.

Spiritus Sancte Deus, piarū mentis inhabitator, qui Incarnationis Domini nostri Iesu Christi cooperatus es ut ego corpus & sanguinem ejusdem Legiminis nostri in sacrificio corde purificato dignè offerā & sumā. Miserere mei.

Sancta Trinitas, unus Deus, qui me peccatorem sacrī Altaribus adstare voluisti, ad sancti nominis tui laudandam potentiam, ut tuæ Majestati dignè famulari, atq; pro vivis & defunctis tuam clementiam exorare possim. Miserere mei.

Sancta Maria , de cuius utero Dei Filius carnem suscepit, quam ego indignus offerre & sumere intendo : ut hæc salutaria mysteria efficiantur mihi salus & vita. Ora pro me.

Omnes sancti Angeli & Archangeli , qui Filium Dei hominem factum adorastis, jamque regnanti assistitis : ut ex ejus Altaris participatione corpus & sanguinem sumens, omni benedictione cœlesti & gaudio replear .
Orate pro me .

Sancte Ioannes Baptista , qui Christi Domini corrigiam calceamenti solvere indignū te reputabas : dignus tamen ab ipso habitus , qui sacrum ejus verticem contingeres : ut ego hæc Sacramenta salutis humiliter ac dignè tractare ac sumere possim.
Ora pro me .

Omnes Sancti Apostoli, quos Christus in novissima cœna Sacerdotes Novi Testamenti creavit ac primum seipso cibavit: ut gratiam per manus impositionem mihi collatā non negligam, sed quotidie incremento debito augeam. Ora .

Om-

Omnes Sancti Evangelistæ, qui Institutionis hujus Sacrificij debitum scripto testimonium dedistis: ut ego plena fide, charitate ferventi, ac devotione perfecta sacrificium istud peragere possim. Orate pro me.

Omnes sancti Martyres, qui Christo Regi Martyrum corpus & vitam in Passione litanti vicem, quam potuistis, Martyrium, oblatione rependistis: ut ego me meacq; omnia & ipsi tanquam diuturno Martyrio perfectè offeram. Orate pro me.

Omnes sancti Pontifices & Confessores, sacerdotes Domini, qui digna Sacrorum communione multiplicem ab eo benedictionem & vitam receperistis: ut meum, quod oblaturus sum sacrificium, ipsi quoq; sit acceptabile, mihiq; & omnibus pro quibus illud offeram, propitiabile. Orate pro me.

Omnes sancti Monachi & Eremitæ, qui cibo potuq; cœlesti sæpius refecti pravas concupiscentias & desideria mala superastis: ut ego sacris hisce mysterijs armatus & animatus meis

psum

psum omnesq; inimicos animæ meæ
superem. Orate pro me.

Omnes sanctæ Virgines & Viduæ,
quæ per Castitatis studiū dignū Fi-
lio Dei in vobis habitaculum præpa-
rasti: ut & ego expurgatis omnibus
quæ ejus displicent Majestati, gratum
ei in anima mea exhibeam taberna-
culum. Orate pro me.

Omnes sancti & sanctæ Dei, qui be-
atificā jam visionē aspicitis, honora-
tis, & adoratis, quem nos hic inter-
rim nonnisi sub speciebus, & quasi in
ænigmate videmus: ut per salutiferū
huius Sacramenti usum, vetro simul
dignus confortio inveniar. Orate.

Oratio.

Deus, qui nobis sub Sacramento
mirabili Passionis tuæ memoriā
reliquisti: tribue quæsumus, interce-
dētibus omnibus Sanctis tuis, ita nos
corporis & sanguinis tui sacra myste-
ria venerari, ut redēptionis tuæ fru-
ctum in nobis jugiter sentiamus.

O Bsecro te dulcissime Iesu Christe,
ut passio tua sit mihi virtus quâ-
mu-

muniar, protegar, atq; defendar, vulnera tua, sint mihi cibus, & potus quibus pascar, enutriar, atq; delecter; aspersio san. uinis tui sit mihi ablutio omnium peccatorum meorum. Mors tua sit mihi vita indeficiens. Crux tua sit mihi gloria sempiterna: refectio & auxilium: sanitas & gaudiū: desideriū & solatium cordis mei, nunc, & in perpetuū. Q. i viuis & regnas cū Deo Patre in unitate Spiritus Sancti Deus, Per omnia s̄ecula s̄eculorum. Amen.

In ipso Miss̄r actu quid præstandum.

VII. Ipso Miss̄æ tempore allab' orabit sacerdos, Primo, Quantum poterit ex ijs quæ profert, aliquid professorus spiritualis haurire atq; vocem divinarum inspirationum audire, quandocumq; illas perceperit. Secundo, in Memento non multum inhærebit recordationi diversarum rerum, sed cùm eas ante Missam Deo obtulerit nunc omnes in unum colligens, eas Deo majori quo poterit affectu offerat. Tertio, consecrationis tempore persuasum habens, se jam alium esse
à se-

à seipso, Christum videlicet, in cuius persona sibi consecrandum est: Deū precabitur, ut suscipiat sacrificiū unicī Filij sui in ablutionem omniū peccatorum, & odorem suavitatis, non secus ac si modo mereretur. Quartò, Communionis tempore primò adnittatur communicare cum profunda reverentia, seipsum verè indignissimū tanto Sacramento persuasum habens, ut pote cuius anima sit quasi spelunca & cloaca spurcissima, & animalium venatorum habitaculum, quantum est ex se, & seclusa gratiā Dei misericordis. Deinde magno amoris æstu in Christum transformati suspirabit, similisq; illi fieri in sanctitate, & virtutibus optabit.

Post Missam quid agendum.

VIII. Post Missam verò, primò de negligentiis in celebratione admissis veniam petat. Secundò Deo pro accepto beneficio gratias agat, quod nimírum facultatem largitus sit renunciandi memoriā Passionis Christi, & eam in cor suum per Communionem ad-

admitteendi. Tertio, offerat Patri æterno pro se & tota Ecclesia, quicquid tum fecit, tum passus est pro nobis Christus triginta trium annorum spatio, nec à sui oblatione desistat. Quartò, sibi aliisq; ab ipso concedi petat, quicquid illi gratius fuerit, & quicquid ab æterno sibi conferre disposuit, maiorem sui ipsius custodiam statuendo in posterum.

GRATIARVM ACTIO *post Missam.*

O Dulcedo cordis mei & vita animæ meæ, & iucunda requies spiritus mei, dulcis IESV, immortales tibi ago gratias, pro omnibus beneficiis mihi collatis, signâter verò, quia hodie me dignū fecisti, verum & immaculatum Corpus & Sanguinem tuum pretiosum consecrare, pertractare il ludq; tibi offerre in memoriam tuorū mirabilium, ad tuam gloriā, & in remissionem omniū peccatorū tam meorum, quam illorū, pro quibus orare, sacrificare, & offerre proposui, illoq; in salutem, & consolationem animæ

B

meæ

meæ cibari & nutriti. Quapropter vere dicere audeo, cibus meus Christus, & ego eius. Multiplico ergo, & quo-quotiescunq; respiro mutiplicare intendo meam voluntatem in infinitu in tuis laudibus. Precorq; Beatissimā Virginē, Angelos, Sanctos, Sanctas, & Creaturas universas pro me immē-
fas tibi referre gratias, imò quia istæ minimè sufficiūt, Tibi supplico, ut tibi ipsi gratias agere, te laudare, & glorificare complaceas: & quia dignatus es istam indignam, tuam tamē facere habitationem, dignare quoq; apud ipsam, perpetuam facere mansionem: effice me hominē secundum cor tuum. Vni me tibi intimē, & totum transforma, & trāsmuta in te. Salva me IESV CHRISTE, & cunctam à me hostis antiqui depelle nequitiā, per tuam innocentissimam passionē. Oro tandem ut digneris gratias, & ingulgentias omnes, quas hoc sacrificio vel cōmunione mediāte acquirere & lucrari possum, concedere tam mihi, quam aliis, viuis & defunctis, qui-
bus

bus applicare proposui: quia te ipsum
& pro ipsis exoro, pro quibus & tu vis
& sanctissimus Pontifex intendit hac
de causa me debere orare. Amen.

OMnipotens sempiterne Deus, cō-
servator animarum, mundiꝝ re-
demptor, me famulū tuum ante Ma-
iestatem tuam prostratum benignissi-
mè respice & sacrificium, quod in ho-
nore nominis tui pro salute fidelium
tām viuorum, quām etiam defunctorū
& pro peccatis & offenditionibus meis
obtuli, piissime respice, irā tuā à me
remove, gratiam, & misericordiā mi-
hi concede, ianuam paradisi mihi pā-
de, ab omnibus malis me potēter cri-
pe, & quicquid proprio cōmisi reatu,
clemēter indulge. Et sic in hoc sēcu-
lo, in præceptis tuis fac me perseuera-
re, ut dignus electorum gregi copula-
ri efficiar: te præstāte Deus meo cuius
nomen benedictū honor, atq; regnum
permanet in sēcula sēculorum. Am.

1650

DE MEDITATIONE SEV
ORATIONE MENTALI.

IX. **T**ESTE S. Augustino Homil. 4. inter 50. *Recte nouit viuere, qui recte nouit orare.* Experientia autem docet Orationē eam, quæ Meditatio dicitur, præ cæteris utilē, ac Deo acceptā esse, sine qua teste S. Bonauentura. *Vita Ecclesiastica arida est, & ad ruinam promptior.* Visū itaq; est de illa hic aliquid in gratiam pii Sacerdotis subiicere.

Methodus Meditandi.

Sapiens monitum est, Eccl. 10. Ante orationē præpara animam tuā, & noli esse quasi homo qui tētat Deum.

Præparatio ad Meditationem.

Primò igitur abiiciendæ curæ superflue, quæ velut spinæ animum in Meditatione pungunt. Ita D. Bernardus loquitur.

Secundò, Præfigendus finis debitus Orationi, qui est, Deo honorem exhibere, & virtutem ac sanctitatem acquirere.

Ter-

Tertio, In omni Meditatione debet Oratio præparatoria præmitti: quod semper fit eodem modo: petendo à Deo gratiam, ut tempus Meditatio-nis benè & cum fructu transfigamus.

Duo Præludia præmittenda.

Quartò, Sequntur duo Præludia. Primum est compositio alicuius loci, qua imaginatio in proposita materia retineatur, quæ in mysteriis est finge-re coram se ea peragi iisdem circum-stantiis, quibus olim peracta sunt. Crebro autem præludium esse potest coram Omnipotente Deo unà cum Angelo Custode se sistere.

Secundum Præludium est, humiliter supplicare Deo, ut Dominus Deus dignetur dare gratiam, ut consequamur id quod puncta Meditationis fa-ciendæ continent.

Materia præuidenda.

Quintò, Quicunque vult cum fructu meditari, pridie perlustret materiam, Manè autem ante omnia eandem ma-teriam ad memoriam revocet. Mate-riam autem Meditationis ad iuvandū

infirmitatem nostram, multi doctissimi
mē & piissimē subpeditārunt.

Meditari quid sit.

Sextō, Meditari autem est velut in corde depingere mysterium vel aliquam doctrinam ē vita Christi, vel perfectionem Dei, cum suis circumstantiis, eo fine, ut ex his instructione aliquam ad emendationem vitæ consequamur.

Postquam memoria rem repræsentavit, Intellexus velut quidam oculus eam, eiusq; partes, ac circumstanzias comprehensas cōmuni versiculo.

Quis, quid, ubi, quibus auxiliis, cur, quomodo, quando contemplatur: Post hæc Voluntas ea, quæ ratio dictauit ac iussit, quasi manu apprehendit.

Affectus in meditatione exercēdi.

Septimō, Triplex affectus in Meditatione exercetur, Primus est Doloris 2. Amoris virtutis. 3. Amoris Dei: quibus viri spirituales tres animæ vias respondere dicunt: Purgativam, Illuminativam, & Vnivitavam.

Ḡta-

Octauo in Meditacione varii affectus occurruunt, qui ad octo referri solent.
 1. Admiracionis 2. Cōpūctionis 3. Cō-passionis 4. Gratiarū actionis. 5. Spei.
 6. Lætitiae. 7. Amoris. 8. Imitationis.

Praxis Meditationis.

Nonò, Ad facilem & compēdiosum usum corum quæ dicta sunt, postquā materiam seu punctum legeris, forma tibi has quæstiones.

Prima sit, Quid in hac materia notandum est. 2. Quid ponderandum ad profectum? 3. Quos affectus ex hac ponderatione seu consideratione elicere debeam? 4. Quomodo, & quibus circumstantiis quæ hic præponuntur documenta factis exequar? 5. Quomodo ex his cum Deo meo loquar? subiunge Colloquium cum Domino Deo eumque propone ante oculos, & alloquerere prout animus suggeret.

Meditatio quomodo terminanda?

Decimò, Finita meditatione oportet perpendere, & breuiter ad memoriam redigere protæcipias consideratiōnes, quæ nos maximè tempore me-

ditationis mouerunt: concludendo autem gratias agere Deo, & dicere Pater noster. &c. Aue Maria &c.

Vndecimò, Reperiuntur non pauci, qui in Oratione mentali initio sūt aridi circa operationem intellectus: sed propterea non debent animum abire, exemplo sanctæ Matris Teressæ.

Diversi modi meditandi.

Duodecimò, Sancti ac pij viri etiam alios orandi modos cum magno frumentu & utilitate usurparunt.

Quidam enim utuntur primo aut secundo mixtæ orationis modo: quos S. Ignatius in suis exercitiis descripsit. Ad primū spectat si percurras breviter singula Dei & Ecclesiæ Præcepta; tum peccata mortalia, & virtutes iisdem oppositas; quinque sensus; tres animæ potētias: atque ubi quid primum sibi præceptū velit mēte penetraveris deinde etiam discusseris quonā illud modo observaveris, aut violaveris adveniæ & gratiæ postulationē recites semel Pater noster &c. Aue Maria &c.

Quod simili modo circa secundum;

&

& consequentia præcepta , virtutesq;
observeare debes.

Ad secundum Orationis modum spe-
cat, si vocalem aliquam Orationem,
Dominicam exēpli causā, Symbolum
Psalmos, Hymnos, Litanias, & cæte-
ras huiusmodi cōsuetas Ecclesiæ pre-
cationes attente & quiete recites,
tamdiu in singulis verbis, aut incisis
per ordinem immorando, quamdiu
tibi aliquid spiritualis intelligentiæ,
& pij affectus occurret.

Alii summa sibi in terris paupertate
proposita , & cælestis regni divitiis,
magnaq; animo cōcepta spe aliquid ē
beatorū liberalitate spiritualis elec-
mosynæ accipiendi, se velut in fidē &
societatem Angeli Custodis, & S. Pa-
troni tradunt, ab iisq; se per omnes
quasi plateas & compita cœlorū de-
duci permittunt. Modo exempli cau-
fā, ad vicum Angelorum, domum ora-
tionis, modo ad vicū Patriarcharum,
lumen fidei: modo, ad vicum Aposto-
lorum , charitatis virtutem petituri:
& ita de cæteris, ut cuiq; pro sua ne-
cessi-

cessitate & devotione libebit.

Alii totam Christi Domini vitam in certa spatia dividunt, & loca sancta in quibus ipse commoratus est, stationes veluti quasdam constitunt.

1. Ad civitatem Nazareth, in qua conceptus novem menses in B. Virginis utero habitavit. Deinde in præsepe Bethleemiticum, ubi quadragita diebus: tum in Ægyptum ubi degit septem annis, postea iterum in Nazareth, ubi viginti duobus annis vixit.

Ad desertum, ubi quadragita diebus. Ad Galilæam & Iudæam, quas ferè quadriennio Evangelica prædicatione lustravit.

Ad cœnaculum, hortum, & cætera Passionis loca, in quibus duobus ferè diebus Christus est passus.

Ad Crucem, in qua tribus diebus: ad sepulchrū & limbū, vbi quadragita horis: tandem iterū ad terras quas quadragita dies post Rēsurrectionē coluit. Ad singulas autē stationes recitant

5. Pater noster, & Ave Maria &c.

Nonnulli Christi Crucifixi quinque pla-

plagas adiungunt, & ad dexteram quidē manum gratias Deo agunt, ob bona omnia naturæ & gratias à divina liberalitate collatas, veniamq; quōd male ijs usi sunt, & gratiam, quo melius in posterum utantur, auxiliumq; petunt.

Ad sinistram gratias agunt de rebus adversis, & vitæ hujus incommodis, quōd male usi fuerint veniā, ut bene deinceps utantur, gratiam etiam postulant.

Ad pedem dextrum veniam petunt negligentiarum, & omissionum, quibus in via perfectionis, & spirituali progressu sunt retardati.

Ad sinistrum, quōd in tam frequentes imperfectiones inciderint.

Ad latus, quōd adeò frigidi in Dei & proximi amore extiterint.

Alij prævidēt opera sua atq; actiones totius diei singulas, & proponunt in particulari vitare eas imperfectiones, quas ijs admiscere consueuerint easq; ijs ornare virtutibus, quas sibi necessarias esse ducunt, potissimum verò puritatem intentionis, qua nihil in his

præter divinā gloriā spectare queant.

Sunt denique qui cùm corporis infirmitate, obedientiâ, aliaque occasione præpediri se ab exercendis misericordiæ spiritualis & corporalis operibus vident, miseris qua possunt arte perorationis auxilio succurrunt: modo enim percurrunt unius, aut pluriū Xenodochia civitatū, aut carceres, & in singulis pro infirmorum salute, & captivorū liberatione solatioque recitant aliquam Orationem. Modò ad varias mundi partes: ad sanctum sepulchrū, ad limina Apostolorum, B. Virginem Lauretanam, Divum Iacobum, aliaque pia loca peregrinationem instituunt, & oblationis nomine orationes in singulis ad Deum & sanctos fundunt.

Modò in urbes Hæresi, infidelitate, vitijs, bello, aut peste infectas se transferunt, & quam possunt opem, subsidiumque doctrinæ & consolationis per orationes in singulis Deo fusas, fidelibus & infidelibus præstant.


Ex his omnibus poterit facilè quivis orationis tedium & laborem avertere assum-

assumptis ijs orāndi modis , quos ma-
gis suo cōmodatos ingenio intelliget
poteritq; pari ratione similes alios ad-
invenire , si qui magis placeant .


Quod si horum nihil profit , servan-
tur aliquæ piæ imagines , aut libellus ,
ad cujus lectionem attentam , & len-
tam , aliqua consideratio mentis &
affectus voluntatis admisceantur .

*Sicut sol corpus , ita oratio illuminat
Animam. S. Chrif.*

Tom. 5. lib. 1.



PIA



PIA DOCUMENTA.
ET
BREVES MEDITATIONES,
ANTE ET POST MISSAM,
ad utiliter recolenda per Annum
præcipua salutis nostræ Mysteria.

CAPV T I.

ANTE SACRVM
Meditationes septem pro singulis
Hebdomadæ diebus.

PRO DOMINICO DIE
DE REGE.

Quis venit? Christus Rex benignus,
mansuetus, non jam ad regnandum, sed ad dicendum iustitiam,
dandam salutem &c.

2. Ad quem? ad subditum, qui debet decem millia talenta Math. 18. 24.
qui nec obolum habet, unde incipiat tam grande debitū exsolvere, nisi ab ipso accipiat det &c.

FE-

3. *Ad quid venit?* non ut servū vēdat,
non ut omnia accipiat, & filios servi-
tuti subijciat, sed ut tribuat ei pretiū
majus debito, corpus sanguinem, &c.

FER. II. DE DOMINO.

1. *Quis venit?* D O M I N U S, qui servis
imposuit iugum suave Math. 1. & onus
leve sux legis, ac pro obsequijs unius
momenti, datus est aeternum glorie
pondus 2. Cor. 4. 17.

2. *Ad quem?* ad mancipium, quod
plus quam millies legis sanctissimæ
vincula fregit, jugum servitutis excus-
sit, & adversario (peccato) se subjecit.

3. *Ad quid?* ut hoc mācipium trahat
(Ose: II. 4.) in vinculis Adam id est
charitatis, & eruptum à jugo inordi-
natarum passionum, reducat in servi-
tutē suam omni imperio feliciorem.

FER. III. DE MAGISTRO.

1. *Quis venit?* MAGISTER facilis, non
ut illi, qui alligat onera grauia Matth.
26. &

& nolūt ea dīgitō mouere Act. i. sed qui fecit priūs, quod docet & in via perfecti onis homines, Angelos, &c. erudivit.

2. *Ad quem?* ad rudem discipulum, qui nū quam hactenus, vel valdē serō, ad audiendam doctrinam virtutum venit, & citō per levitatem recidit.

3. *Ad quid?* ut (cum sponsa) appre- bēndam eum fide & ducam spe in do- num mentis meæ: ibi docebit me vias justitiae, & ego dabo ei vicissim vinū SS. affectuum.

FER. IV. DE AMICO.

1. *Quis venit?* Christus A M I C U S, qui nos pretio sanguinis redemit, & ad dignitatem amicissimorum evexit: qui à nobis desertus non deserit: peccatis irritatus non contemnit.

2. *Ad quēm?* ad eū, qui toties amicitiā contempsit, gratiæ peccatū præposu- it, ac ejus familiaritatē pro vanissi- mis hominū colloquijs commutavit.

3. *Ad quid venit?* ut sit amicus fidelis, protēcto fortis, & eo invento thesau-

rum habeam, & augeat amicitia, atque
intimius semper mihi amorem uniat.

FER. V. DE FRATRE.

1. *Quis venit?* verus FRATER, qui
licet verus Deus, non confunditur fra-
tris vocatione. Frater *primo genitus*.
1. *Hebr.* 2. cuius tota est hereditas, sed
alios libentissime adoptivos admittit.

2. *Ad quem?* ad me Fraticidam,
quem ceu Cain, *in agro huius* Gen. 4.
mundi peccatis occidi, & eum quasi
temulentum amore (non vino) acer-
bissima morte mulctavi.

3. *Ad quid?* ut Fratrem (a quo oc-
cisis est) in vita spirituali conser-
vet, neque profugum, ac vagum su-
per terram esse permittat.

FER. VI. DE PATRE.

1. *Quis venit?* PATER, (Is. 9.7.)
futuri saeculi & habitatibus (Is. 22.21.)
Hierusalem, qui Ecclesiæ filios ver-
bo veritatis genuit, & esse divinum
(per.)

(per gratiam) tribuit, qui nos tenerimè amat, & filios vocat, (I.Ioan 2.) donec formetur in nobis. Gal. 4. 19.

2. *Ad quem venit?* ad me *filium prodigum* Luc. 1. 22. dissipavi substantiam gratiæ divinæ ad salutem, inaniter valdè, & inutiliter.

3. *Ad quid?* ut induat me *stola primâ* (amicitu gratiæ) det *annulum* donorū cœlestiū, *calceus*, auxiliorū, protegat *pedes* (affactus) ut satiet *vitulo sagittato* (corpore & sanguine suo) defendat à fratre majore, à superbia, & in domo hereditatis cœlestis possessorē faciat.

DIE SABBATHI DE SPONSO.

I. *Quis venit?* SPONSUS, ut *sponset* (Of. 2. 19. 20.) in *justitia*, *judicio*, & *misericordia*, *fide*, *miserationibus*, in *septernum*, quia non vult unquā ab animo recedere. In *iustitia*, quia *justificat*: in *judicio*, quia ab *adversitatibus liberat*: in *misericordia*, quia donis cœlestibus ditat; in *fide*, quia animam non propter opera, sed propter fidem in Chri-

Christum, in gratiam admittit.

2. *Ad quem?* ad animam, quæ ante peccatis patuit, in *cole* superbiæ sub *ligno* frondoso, creaturarum amori impuro se tribuendo.

3. *Ad quid?* vt anima compuncta reuertatur, & ad lectum dulcissimæ familiaritatis admittatur. Hier. 3. Revertentem suscipiam te.

POST SACRVM.

SACRO finito, Hymno Benedicite, alijſq; orationibus Ecclesiæ recitatis, in locum quietum te recipe, vt, antequam ad ulla negotia te convertas, gratias Deo de hoc cœlesti convivio referas, & hic divinus cibus in substantiam tuam convertatur. Certè ingratitudo magna esset hoc negligere, & signum vel mortis spiritualis, vel tepiditatis ad mortem disponētis: quia ignem (ait S. Bonavent. Tract. de præparat. ad Miss. c. 14.) posuisti in sinu, & non sentis calorē: mel in ore

ore, & non sentis dulcedinem: & Deus
ingratitudinem valde exosam habet.

GRATIARVM ACTIONES

septem pro totidem hebdomadæ diebus.

I. DOMINICA DE REGE.

1. **V**ide Salvatorem in medio cordis
tui tanquam regem potentissimum:
te verò tamquam reum & multorum peccatorum
conscium astantem, ac veniam, atq[ue] misericordiam petentem.

2. Age gratias de 5. rebus. Primo
quod voce tua panem & vinum con-
vertit in corpus & sanguinem: & ad-
fuit in Sacramento, non ut peccata
puniret, sed quasi Rex benignissimus
tibi propitius esset. 2. Quod in mani-
bus vilissimi peccatoris seipsū posuit.

3. Quod tanta benignitate orationes
peccatoris fordanis audivit. 4. Quod
os tuum intravit, & in lingua resedit.

5. Quod in domuncula imparatissima
cordis tui habitare constituit.

3. Detestare coram illo omnia pec-
cata

ecata tua in sæculo , in Religione &c.
commissa , magnum dolorem conci-
pe , indulgentiam pete .

4. Dilige eum toto corde , ita scili-
cket , vt desiderio , ac firmo proposito
nihil illi contrarium velis: nihil quod
ad illum actu aut virtute , non ten-
dat ac dirigatur , ita , vt illum tibi ac
reliquis omnibus præponas .

5. Tandem pete à Domino septem
dona , similia illis , quæ B. Virgo (ex
Bonau. cap. 3. Medit.) quotidie pete-
bat . 1. Auxilium efficax , vt præceptū
amoris Dei complecas . 2. Ut constan-
ter diligas proximos , & quod Deus di-
ligit . 3. Quod odio Deus habet , ve-
rissimè oderis . 4. Ut humilitate , casti-
tate , obedientiâ , contemptu sæculi
& universis virtutib⁹ exorneris . 5. Ut
corpus ac mentem , dignum sibi habi-
taculum efficiat . 6. Ut post hanc vitā
videas oculis carnis SS. ejus humani-
tatem & B. Virginem ; oculis mentis
ipsius divinitatem clarè aspicias , atq;
in æternum possideas . 7. Ut in hoc
templo , & omnibus quæ sunt in toto
orbe ,

orbe, ab universis Sacerdotibus fidelibus, dignam venerationem accipiat.

FER. II. DE DOMINO.

1. Respice Christum in medio cordis tui ut Dominum, qui pretio sanguinis te redemit, tecum ipsum veluti servum, qui per novum fervorem, ad ipsum vis redire: atque in omnibus illi placere concupiscis.

2. Age gratias quod in hoc Sacramento praesens adfuerit, ut habitaculum cordis regat, & turbam passionis dono mortificationis cōponat. 2. quod manibus sordescētis ac vilissimi mancipij se tractari permisit. 3. quod tanta māsuētudine petitiones seras excipit. 4. quod os tuum intravit, & in lingua tua resedit. 5. quod Rex regū, quem Cœli non capiunt, in angusto tugurio mancipij sui, manere constituit.

3. Desidera, ut ad praesentiam ejus Domini tui, tota domus cordis tui quieta & tranquilla sit: ac statue apud te ipsum, te reselectum judicium, vo-

lun-

luntatem , affectus , ac sensus omnes
mortificaturum , & quicquid illi dis-
plicet , rejecturum .

4. Dilige eum , ex tota anima , submit-
tendo illi vitam , solumq; eam con-
servando ad obsequium ejus , ac diri-
gendo cogitationes , verba , opera ,
ad ejus beneplacitum .

5. Postula illa 7. dona de quib; suprà
in gratiarū actione ad finē dictum est.

FER. III. DE MAGISTRO.

1. Aspice Christum in medio cordis tui
tanquam Magistrum , qui te viam sa-
lutis docet , & gratiam ad faciendum ,
quod docet , impertit : te verò respice ,
quasi discipulum eius , qui ob magnam
negligentiam tuam , nihil , aut valde
parūm ex doctrina ejus profecisti .

2. Gratias age 1. quod præsens adfu-
it in Sacramento ut tanquā doctor sa-
pientissimus , viā perfectionis doceat ,
erudiēdo quæ agēda sint aut omitten-
da . 2. quod manib; discipuli pervicacis
se tractandū præbuit . 3. quod tāta mi-
sericor-

sericordia petitiones discipuli doctrinam cœlestem postulantis audivit. 4. Quod os intravit, & in lingua refedit. 5. Quod magister Angelorum & hominum, in infima classe cordis tui manere constituit, ut te doceat perfectionem, patientiam, zelum animarum, &c. 3. Erubescere coram eo, quod alienus sis à doctrina, tyro in via perfectionis & imitatione ejus. Statue te creata omnia intellectu & affectu deserturus, ab scidendo inordinatum amore creaturarum.

4. Dilige eum ex tota mente. 1. Spiritum ab omni eo quod displicet mundando. 2. anima virtutibus ornando 3. memoria, intellectu, voluntate ei adhaerendo.

5. Tranquillitatem mentis inquirendo, ut Christus in te habitet.

6. Petere dona, de quibus supra dictum in prima gratiarum actione.

FER IV. DE AMICO.

1. Respice Christum in medio cordis tui ut amicum fidelissimum, qui te factum & mancipium suum ad amicitiam suam

suam, & familiaritatem extulit: te
verò cogita tanquam *amicum mensæ*,
vel potius *mercenarium*, qui cùm con-
solationes recipis eum diligis; cùm au-
tem ad emendationem flagellaris, in
dilectione torpescis.

2. Gratias immensas illi age: *Primo*,
quia Sacramento præsens ita fuit, vt
te sibi factum per gratiam amicum
visitaret, & tecū colloquia dulciora su-
per mel & favum *Psalm. 18. 11.* misceret.
2. Quia manibus amici parum fidelis, &
tepidissimè amantis se & sua bona cō-
misit. 3. quia tam gratis auribus petiti-
ones amici, perseverantiam in amici-
tia postulātis, auscultauit 4. quia os tu-
um intravit, & in lingua resedit. 5. quia
amicus ditissim⁹ in cōclavi amici pau-
perrimi semper per g̃atiam suam ha-
bitare constituit.

3. Pudorem ac dolorem concipe de
nuditate, quia virtutibus nudatus es, ac
sordidis vitiorum pannis contect⁹. De-
sideria virtutum accende, earum præ-
cipue, quarū magis indiges, eas instan-
ter pete, & aliquam (prout tempus tu-

4. Dilige Dominum Deum tuū ex omnibus viribus: id autem facies, si vires animæ tuæ (memoriam, intellectum, voluntatem) nec non & sensus ac organa corporis tui, in vniōne virium ac sensuum ipsius, illi offeras, & eis semper, in obsequium ipsiō uti constituas.

5. Petet septem illa dona, de quibus supra dictum est.

FER. .V. DE FRATRE.

1. Respice Christum Saluatorem, in medio cordis tui, vt fratrem tuum natum maiorem ac primogenitū in multis fratribus, qui hostes Patris æterni reconciliavit, & suos fratres effecit: teq[ue] fraterculum ejus meritó minimū, aut potius tali nomine prorsus indignum, quia illi es vitâ & moribus valde dissimilis.

2. Gratias immensas illi age, 1. quia in Sacramento præsens adfuit, vt non inimicum doceret, sed fratrem agnosceret; ac tecum paternā hæreditatem.

tatem diuideret. 2. quia manibus tuis,
minimi scilicet fratris se tangendum
dedit, ut dum ad eum accedis, super ge-
nua sua tibi blandiatur, & te prima ele-
menta virtutis docere dignetur 3. qui-
a tanta benignitate petitiones fratris,
moribus dissimilis, & conuersationis
tempore ipsum tædio affidentis, audi-
uit. 4. quia os tuum inti auit, & in lin-
gua resedit. 5. quia filius primogenit⁹
æterni Patris, in Cœlo iam regnans,
obscurum cubiculum, fratris in exilio
manentis, non exhortuit, sed in eo ha-
bitare sustinuit.

3. Te à tam amantissimo fratre elō-
gatum aduerte, & de tua miseria con-
querere, eius intimam familiaritatem,
per donum orationis ardenter exopta
ac instanter postula, & omnis ad hoc
donum consequendum necessaria tibi
præstanta esse propone.

4. Dilige eum ex omni virtute tua,
quod facies, si omni conatu te omnia
mala auersaturum, & bona in præce-
pto posita, & consiliis euangelicis in-
iuncta, te perfecturum, efficaciter pro-

*Gratiarum actio
ponas & fideliter impleas.*

5. Petes .7. quæ supra dicta sunt.

FERIA VI. DE PATRE.

1. Respice Christum Saluatorem, in
medio cordis tui, vt Patrem piissimum,
qui te in cruce, non deliciis, sed dolori-
bus genuit: teq; vt filium prodigū *Luc.*
15. ex longa peregrinatione reuerten-
tem, postquam bona de manu Patris
accepta in vitiis dilapidāsti, & benefi-
cio, bonis, ac misericordiā eius te in-
digere cognouisti.

2. Gratias immensas illi age. 1. Quia
in sacramento præsens adfuit, vt te fi-
lium insanum, ex terra sterilissima, nē-
pe ex teipso ad illum reuertentē bra-
chiis dilectionis astringeret. 2. Quia
manibus filii inobedientissimi, se trā-
ctandum & tangendū tradidit. 3. Quia
canta pietate petitiones filii inobedi-
entis ad eum redeuntis, ac veniam po-
stulantis, exaudiuit. 4. Quia Pater infi-
nito amore dignissimus, non solum fi-
lium nequam, reuertentem in suā do-
mum recepit; sed in sterquilino eius

(Hec)

(nempe in pectore tuo) manere voluit.

3. Positus coram illo, perfectionem,
ac sanctitatem veram, ardenter concu-
pisce, & posce: vt scilicet à peccatis
mundus, & omni virtute exornatus il-
li, intellectu & affectu iugiter adhære-
as, & per charitatem perfectam, *ab illo*
& *per illum* viuas.

4. Dilige eum *ex omni fortitudine tua*,
ita scilicet, vt propter illum, vitam (si
opus fuerit) & salutem corporis, & di-
uitias, voluptates ac honores despici-
as, & sine creaturis viuere assuescas.

Petez. ut supra medit.

SABBATO DE SPONSO.

1. Respice Christum Saluatorem, in
medio cordis tui, vt *sponsum* dulcissimum
qui animam tuam, non quia digna erat
ad amavit: sed quia voluit, & sic suæ be-
nignitati complacuit, animamq; tuam
velut sponsam eius, ipsi vinculo statim
clericalis aut religiosi copulatam, &
in infinitis beneficiis & donis ad aman-
dum illectam.

2. Gratias immensas illi age. 1. Quia Sacramento præsens adfuit, vt te sibi spiritualiter iungeret, & amoris castissimo foueret amplexu. 2. Quia ille qui manibus suis omnia portat, tuis manibus se tangendum, & ore amoris, se osculandum obtulit. 3. Quia orationes infidæ sponsæ, eius aspectum & amplexum postulantis audiuit. 4. Quia in sinu tuo tanquam in lecto sibi desideratissimo semper tecum pausare decreuit.

3. Afficere erga gloriam æternam, & coge te ipsum, vt illum feruenter cupias, & ab hoc sæculo misero, emigrare desideres, dicq; illi, tanquam sponso tuos

Cant. 1. 6. Indic mihi quem diligit anima mea, ubi pascas, ubi cubes in meridie.

4. Omnes hodie affectus amoris collige, dcligeq; Deum tuum, orationem aliquantulum protrahens, ex toto corde tuo, ex tota anima tua, ex tota mente tua, & ex omni fortitudine tua.

5. Petc 7. dona vt supra.

MONITIO.

Hæc formula alicui commoda visa est, ad gratias post Missam agendas.

TB

Tu verò siue hoc, siue alio modo gratias agere non prætermittas. Id enim vitium esset ingratitudinis pessimum etiam si exigua recepisses: sed post eximium beneficium suscepimus, intolerandum, ac si fieri posset, peius pessimo esse conspicitur. Et ideo fortassis misericordias, quas exoptas, non recipis: quia huic tanto dono tam frequenter suscepimus, ingratis existis. Nam ut sapiēter scripsit S. Bernard. Sermon. contra vitium ingratitudinis: Multos quoquā videmus usque hodie, satis importunè petentes, quod sibi deesse cognoverint sed paucos admodum nouimus, qui dignas super acceptis beneficiis gratias agere videantur. Nec reprehensibile, quod instanter petimus, sed sanè petitioni negat effectum, quod inuenimur ingrati. Et fortè hoc etiam clementia esse videtur, ingratis negare, quod postulant: nè contingat nobis, ut tantù grauius de ingratitudine iudicemur, quantù magis accumulatis beneficiis ingrati probabimur extitisse. Ergo misericordia r̄s est, in hac parte, subtra

here misericordiā, quemadmodū irā & indignationis, exhibere misericordiam, eam sanè, de qua per Prophetā ipse Pater misericordiarum loquitur dicens: Isa. 16. *Miscreamur impio & nō discet facere iustitiam.* Simus ergo huic beneficio grati, & nunquam illud sine sequenti laudum & amoris frequenti exercitio, ac gratiarum actione sumamus, vt fructus, tam accepti æterno Patri sacrificii & tam ditissimi Sacramenti, nos simul cum eo percepisse latemur.

ALIA PRÆPARATIO.

& Meditationes ante & post Sacrum pro singulis diebus hebdomadae.

I. DOMINICA.

Sic Deus dilexit mundum, ut filium suum unigenitum daret. Ioa. 31. 16.

I. Sicut olim Deus, ad mundum reparandum, ut unigenitum suum largiretur, elegit B. Virginem, tanqā instrumentum, in qua Dei filius conciperetur, ita nunc summum eidē mundo amorem ostensurus, eundem filiū, quo alatur, ac sustentetur tribuit: Te

verò, tanquam instrumento ad hoc i-
psum utitur, dum panem & vinum in
Sanctiss. Missæ sacrificio consecras.

2. Eleua itaq; te, & considera attentiq;
Quis sit qui donet, nempe summus, æ-
ternus, & infinitus Deus summè bonus
sapiens, ac potens, qui ex seipso, sine
ulla alia creatura beat⁹ est: cui⁹ àmor,
non in verbis, sed in re ipsa consistit,
bonumq; tanto pluris faciendnm est,
quanto maiori illud amore elargitur.

3. Consid. quid donet? scilicet *dilectissi-
mum & pretiosissimum*, quod habet, v-
nigenitum suum, verum Deum, & ve-
rum hominem, qui qua Deus, & què in-
finitus, potens ac sapiens, atq; ipse Pa-
ter est: qua homo, habet omnes thesau-
ros sapientiæ ac charitatis Dei, venit
ad nos velo panis & vini tectus: quia
aliás mundus splendorem eius infini-
tum ferre non posset.

4. Consid. Cui det? Toti mundo, non
tantūm Principibus, Prælatis, &c. sed
Christianis omnibus, inter quos non
pauci valde sunt abjecti, peccatores
&c. vt eo omnes nutriantur, & gra-

*Aliæ Præparationes
tijs ejus, quas in Communione conce-
dit, roborentur.*

5. Per quod medium? Per Sacerdo-
tem, quia in ejus voluntate hanc po-
testaten statuit, quādocunq; ille quis-
quis fuerit, panem & vinum consecra-
rit. Quare dignum est, ut summo cum
honore & humilitate accedat.

II. DIE LVNÆ.

Rom. 8. *Qui proprio filio non pepercit,
seū pro nobis omnibus tradidit illum, quo-
modo non omnia cum ipso donaret?*

1. Consid. Liberalitatem Æterni Pa-
tris, qui ~~omnia~~ in tuum commodū cre-
avit, quia *omnia*, 1. Corinth. 3. *vestra*
sunt siue presentia siue futura. Cujus cha-
ritas etiā *vnigenitū* quem sibi æquale
in æternitatē genuit, tibi donat, non
tantū, ut semel mortuus redimeret,
sed quotidie oblatus vitam repararet.

2. Consid. Quid? unā cum hoc dono
omnia pariter tibi tradit, titulum sci-
licet, quo *omnia obtineas.* Hinc dat
Angélos, qui te custodiant ac juvent:
dat

dat gratias & virtutes, quibus exornetis & sanctificeris: dat merita & satisfactiones filij ut tuas suppleas: dat temporalia, quibus prosunt: dat æterna, ut spe, ea obtinendi, lætificeris: dat seipsum, supremum bonum ut eum hic contempleris, & in beatitudine, ipso per claram visionem fruaris. In horum omnium pignus, dat vnigenitū his speciebus tectum, ut satieris. Imò dat eūdem, in oblationem quam quotidie offeras, & per eam, quæcunque petieris, obtineas. Et ne timeas repulsam, quia tu licet Sacerdos non satis dignus es, ipsemēt Vnigenitus est *Sacerdos simul & hostia:* vt petat, & exaudiatur pro te. Ergò & tu vide, ut tales patrem ames, eiq; confidas, protali filio vitæ & animæ tuæ non parcas, sed ejus obsequio te ac res tuas omnes consecra, ut hanc tui ipsius oblationē suscipere non dedignetur.

III. DIE MARTIS.

Ioan. 10. Ego sum Pastor bonus: Bonus Pastor dat animam suam pro ouibus suis.

Quoniam Marci 10. dicitur: *Nemo est bonus nisi solus Deus.*

1. Consid. Christum Pastorem esse verum Deum, bonum per essentiam, imò & bonitatem infinitam, atq; omnis boni fontem. Hinc cum bonum sit objectum amoris, infinito amore dignus est, quo eum merito, si tantum posses, amare deberes.

2. Consid. In quo sit Pastor bonus? quia scilicet facit omnia, quæ pastor bonus facere potest, pro oīibus suis. Descendit de cœlo, ut eas redimeret: vitam exposuit, ut illæ viuerent: sanguinem fudit, vt hoc velut lytro liberarentur, nec his contentus, quotidie de cœlo descendit, vt eas corpore & sanguine pascat ac satiet. Nec sibi quicquam querit, sed ouibus omnia.

3. Consid. Per quem tradit? ne pastus hic in terra deesset, curam ejus deferendi, tibi commisit: ut pro te, atque omnibus oīibus hunc panem dulcissimum, per consecrationem, præsentem facias.

4. Consid. Pro quo? Oves offerri solent

sent, ceu sacrificium in omnium com-
modum: at hic ipsem et pastor seipsum
in commodum, imo in cibum ac po-
tum ovium suarum offert. Quare di-
gnum est ut tu etiam simile praestes,
atque ad ejus gloriam te ipsum in sacri-
ficium ei offeras, jugulans in te, quic-
quid ei adversatur.

IV. DIE MERCURII.

Ioan. 15. Ego sum vitis, vos palmites:
qui manet in me, & ego in eo, hic fert
fructum multum.

1. Consid. Quod Christus, Deus, &
homo, sit vitis, ex qua esse, & virtute
omnem accipiunt homines, qui sunt
palmites modo ipsi uniti sint. At quo-
modo fiet unitio, si vitis in cœlo sit &
palmites in terra? Deus potest hoc
praestare, res valde distantes uniendo
inter se, etiamsi neutra locum deserat.
Itaque vitis (licet in cœlo manens) te-
cta accidentibus, in domum justi, tan-
quam veri palmitis descendit, ut vel
per amorem uniatur.

2. Con-

2. Confid. Quo fructu fit hæc conjunctio? eo scilicet, ut talis sit palmes, qualis vitis, quæ in illum induit, ac fructus proferat tali vite dignos nēpē fructus charitatis, misericordiæ, tēperantiaæ, castitatis, obedientiæ, patientiæ, similes illis, qui fuerunt fructus Christi, qui se dat in cibum & potum tuum, ut ei assimileris: quia communiter tales in hominibus humores generantur, quales fuerint cibi, quibus nutriuntur. Ei itaq; conjungaris, ne ab eo separatus, ad omnia inutilis fias, præterquam ad ignem, ut in æternum ardeas.

3. Confid. Sacerdotes ipsi sunt divinitæ hujus unionis instrumenta dum verbis consecrati vitam illam præsentem faciunt, & cum eam hominibus porrigit, tanquam palmitibus conjungunt, sicut ipse Dominus dixit Ioan. 6.
Qui manducat meam carnem, in me manet, & ego in eo: manet in me, & vivet propter me, sicut palmes vivit, ac suo tempore virescit, fructus fert, &c. quamdiu viti conjungitur.

V. DIE

V. DIE IOVIS.

Ioan. 14. Ego sum via, veritas, & vita.

1. Considera Quod Christus sit via salutis & perfectionis, per quem ad Patrem cœlestem eundum est. Per hunc enim solum illi placebis, gratiamque in oculis ejus invenies. *Via*, per quam ad vitam pervenies, & ad præmium in hac vita peregrinantibus pen fidem promissum. *Via*, per quam ad sanctitatis culmen, & contemplationis montem ascenditur. Per eam erim vera humilitas, obedientia, patientia, aliarumque virtutum perfectio obtinetur, immo communium necessitatum tam corporalium, quam spiritualium remedium, necnon priorum omnium desideriorum complementum, partim per oblationem hujus sacrificij, partim sumptionem ipsam. *Surge itaque & manducaviaticum*, ut cum Helia 3. Reg. 19. ad montem Dei pervenias.

2. Consid. Idem Christus est Veritas quam omnia sacrificia, ac cæmoniae veter-

veteris legis significabant. In eo vera sanctitatem, quam vetera illa innuebant quidem, sed non largiebantur. *Veritas*, in qua veritates omnes, quas si de credere opus est, summarie continentur; idemq; hoc Sacrametum per excellentiam dicitur *Mysterium fidei*, quia in eo creditur Filij Dei Divinitas Omnipotentia, Majestas infinita, imo & processio à Patre, Incarnatio, Passio ac mors ipsa cum fructibus suis. Excita itaq; fidem tuam, quia eum hic præsentem habes, qui nec fallere potest, nec ea quæ promisit, prætermittet. est deniq; *Veritas* cui conformari debent, quicunq; vivunt, & in Veritate agunt sine ulla fraude ac fictione. Huic Veritati te cōforma & non aberrabis.

3. Consider. Quid sit *Vita*, sine qua, quicquid est, mors est. Est *Vita animæ tux*, ideoq; in hoc Sacramento est, ut qui eum sumpferit *Vitam gratiæ*, eamq; copiosam accipiat. *Vita etiam*, quia ipse est *resurrectio* & *vita*. Et quamvis hic semel moriaris ille tamen te gloriosum suscitabit. Est *Vita beata*, quia qui

qui manducat hunc cibum , viuet in æternum , & suo tempore suscitabitur , vt cum Christo in æternum regnet , Vita , cui debes vitam tuam conformare , vt cum Apostolo Gal. 2 dicas : Vivo ego , iam non ego , vivit autem in me Christus . Deniq; est Vita : quam omni studio quærere debes in præmium omnium laborum tuorum , vt eum videas , ames , eoque fruaris in æternum .

VI. DIE VENERIS.

Ioan. 9. Quamdiu in mundo sum , lux sum mundi.

I. Verba sunt Salvatoris prolata in sanatione cœci nati , quem curavit expuens in terram , & facto luto , linivit super oculos ejus . In quo miraculo significabatur unio personæ Verbi divini cum natura humana , per quam unionem Lux spiritualis cæcis concessa est Id ipsum præstat adhuc hodie in hoc Sacramento , in quo Verbum Incarnatum cum accidentibus terrenæ substantiæ conjunctum , lucem sc recipientibus

COR.

confert. Itaque animo perlustres omnia
loca in quibus fuit, invenies eum ve-
rè fuisse lucem mundi, cum enim in
Bethlehem nasceretur, claritas Dei
circumfusit pastores. In Epiphania
Reges quidem exterias per stellam,
sed multò clarius per seipsum interius
collustravit. In purificatione, ita Si-
meoni sanctissimo seni illuxit, ut eum
Lumen ad revelationem gentium ap-
pellaret, & de initio prædicationis
ait Isaías cap. 9. *Sedentibus in regione
umbrae mortis, lux orta est eis,* qui toto
vitæ ipsius tempore perseveravit, do-
nec in cruce expiraret, ne tenebrae sie-
rent super terram à sexta usq[ue] ad nonam.
quia scilicet Christus *Lux mundi*, inde
descendit ad limbum Patrum, in in-
feriores partes terræ, ut locum illum-
tenebrosum illustraret, quin & cœli
ipsum Empyreum novam ex ejus ascen-
sione lucem accepit, de qua dicitur A-
poc. 2. *Claritas Dei illuminat illam,*
& lucerna eius est Agnus.

2. Consid. Ne Christo hinc abeunte
perpetuae tenebre mundū occuparēt,
Sapi-

Sapientia divina modum invenit, quo idem ille, qui cœlum illuminat, mundum etiam inferiorem (inde tamen non penitus descendendo) præsens licet velo accidentium tectus, collustraret, adeò ut intra communicantis viscera receptus, eum ita illuminet ut in paradisum eum convertat.

3. Consid. Quos effectus hic Sol in anima efficiat? Implet enim illam divinarum inspirationum splendore, quo fidei lumen amplius illustratur, gratiæ fulgor augetur, ignis charitatis accenditur, & virtutum omnium affectus exstimulantur, ut potentiae omnes opera sua, cū lætitia sicut ad solis præsentiam in hoc mundo visibili accidit, exequantur.

Quare accede & tu ad Deum ut illumineris, & facies tua non confundatur.

VII. SABBATHO.

Mat. 2. Ecce spōsus venit exite obuiāne ei.

1. Consid. Quis sit Sponsus? cuius nomen reticetur, quia est ineffabile, & admi-

admirabile, ipsum scilicet Verbum di-
vinum, quod in thalamum Virginis
venit, ut nuptias cum humana natura
celebraret, conjungens eam secum in
vnitate personæ. Idem ille nunc è cæ-
lo descendit panis accidētibus tectus,
vt in thalamo cordis tui, animam tuā
sibi desponset: at quis quantusq; est?
Filius Æterni Patris, & splendor glo-
riæ ejus, quo nemo pulchrior, ditior,
potentior, in quo repositi sunt omnes
thesauri infinitarum divitiarum. Et
quamvis tectus ad te veniat, intus au-
tem totam majestatem, & amplitudi-
nem secum defert, & cum eadem glo-
ria est in cœlo, & in hoc Sacramento.

2. Consid. *Quæ sponsa?* anima tua,
quæ quantum ille pulchritudinis, tan-
tum habet deformitatis, quæ tot pec-
catis fædata est, neq; fidem illi hacte-
nus servavit: & tamen tam bonus ille
ac benignus est, vt non tantūm parcat
adulteræ, sed iterum ad eam redeat
amicitiam denuò cum illa, si velit,
initurus, dicens Hier: Cap. 3. *Rever-
tere ad me & suscipiam te.*

3. Con-

3. Confid. Qualis sit hæc coniunctio? maior quam in alijs nuptijs, quia ibi conjuges sunt una caro, hic sunt unus Spiritus. Unus, 1. propter unionem charitatis. 2. propter conformitatem voluntatum. 3. propter similitudinem in actionibus. 4. unus, in rebus omnibus quæ ad alterum spectant, quia uterque eas accipit tanquam proprias.

4. Confid. qui sunt affectus? amicitia intima, familiaritas maxima, in oratione, in delicijs contemplationis, fiducia ingens in petendo, efficacitas in impetrando, solida rerum temporalium renuntiatio, in solis æternis quærendis voluptas, lætitia in adversitatibus, in aliis iuvandis zelus. Imò ut uno verbo dicatur, Coniuges sunt, habent bona communia, Anima habet sponsum Deum: quomodo non etiam omnia cum ipso habebit? attende, iam sponsus te accedit, ornate virtutibus, ut ei obviam procedas, neque ab ipso reiiciaris, tanquam ea, quæ neg, oleū in lampade habeat, neg, vestem nuptialem ut admittatur ad nuptias, nec cicer-

ALIÆ MEDITATIONES
de 7. Virtutibus.

CElissimum hoc Sacramentum est, simul & Memoriale (Psal. 120.4.) mirabilem Dei, & summa quædā mysteriorum fidei nostræ, ideoq; sufficeret ad meditationes totius peregrinationis nostræ. Quia Deus, vti nobis hic animæ alimentum dedit, ita etiam aliam tribuit refectionem pro intellectu, vt evolvat, & explicet tota mysteria abdita, quæ in hoc uno continentur. Ac de utroq; intelligi potest illud Ecclesiastici Cap. 15. *Cibavit illū pane vitæ, in ipsa communione. & intellectus in Meditatione, & aqua Sapientie salutaris potavit illum in manifestatione supremorum mysteriorum, quæ in hoc uno Sacramento continetur.* Et quidem summam aliquam horum posuit in 7. Virtutibus heroicis, quas hic exerceat, & sunt.

1. *Humilitas*, quā suam amplitudinem & splendorem tegens, eō se demittit, ut fiat cibus hominum.
2. *Obedientia*, cūm ad ipsa verba consecrationis, venit ē cœlo ad Sacramētum, in quo sinit seipsum, hinc inde portari, pro voluntate hominum.
3. *Misericordia*, faciens seipsum medicum & medicamentum pro nostris infirmitatibus & personaliter ad eas reparandas descendens.
4. *Liberalitas*, cūm benedictiones suas spirituales, largā & profusā manu per hoc mysterium nobis largitur, dans se, & omnia simul.
5. *Charitas*, cūm vult esse semper nobiscum, & quidem omnibus unitus per maximam ynionem, quæ mortalis huius vitæ statui conveniat.
6. *Patientia*, cūm iniurias tolerat & contēpt⁹ quos patitur quotidie in hoc Sacramēto ab iis qui indignè illud trāctat, tām hæreticis, quā peccatoribus.
7. *Perseverantia*, in rebus omnibus, usq; ad finem mundi, & in singulis Hostiis, quamdiū Sacramentales species perdurant.

ALIAE

**ALIÆ PRO VARIIS
anni temporibus.**

Quemadmodum Ecclesia Catholica sciēs varietatem exercitorum solum tollere tedium eorum, voluit infirmitati nostrae sese accommodare, dividens annum in diversa tempora, *Adventus scilicet, Quadragesimæ, Paschatus, &c.* atq; assignare singulis diversa officia, tam in sacro ipso, quam in septem horis Canonis: ut hæc varietas, novitate quam secum affert devotionem foveat. Propter eandem causam accommodando nos spirituali Ecclesiæ, decet ut meditationes variæ diversis anni temporibus accommodatas, assumamus, pūcta indicādo quæ fusi in opere meditationum explicantur.

TEMPORE ADVENTVS.

Prima pars anni Ecclesiastici est *Adventus*, in quo Ecclesia agit de præparatione ad Nativitatē. Hæ meditatio-nes pro hoc tēpore usui esse poterunt.

I. DO-

I. DOMINICA.
De Adventu Dei Iudicis ad
Adamum.

1. Consid. Quomodo Adamus in paradiſo peccārit comedendo pomum sibi à Deo prohibitum.

2. Consid. Quomodo Deus, peccato admisso, venerit, ut eum paradiſo excluderet, & mortis sententiam, quam erat meritus intimaret.

3. Consid. Mox officio Iudicis in paternum amorem commutato, cum iratus esset, misericordiae recordatus est, promittens Adamo *Mediatorem & Redemptorem*, revelato Sacrosanctæ Incarnationis mysterio, ad ejus miseras relevandas.

4. Consid. Quantū Adamus hac promissione consolatus fuerit gratumq; animum ostenderit, pro tam excelso beneficio, glorificando Deum ita benignum, ut infinitos favores, & gratias promitteret ei, qui aeterna tormenta se promeritum agnoscebat. Atq; hinc toto vitæ tempore vixit cum

D

summo

summo desiderio videndi Salvatorem,
per quem tanta beneficia se acceptu-
rum sperabat.

Applicatio. Hic idem *Salvator*, in
hoc Sanctissimo Sacramento ad te ve-
nit, ut te visitet. Et quamvis pecca-
ta tua digna erant, quibus se judicem-
severum exhiberet, eaq; puniret; non
tamen ea ratione jam venit; sed sicut
Pater misericors, ut hoc divino cibo
tibi indulgeat: quia panis est vitæ de-
stinatus ad reparanda damna quæ in-
tulit alterius cibi sumptio. Per hunc
siquidem liberaberis à morte, restitu-
eris paradiſo gloriæ & vitæ æternae.
Et propterea hic panis divinus signifi-
catus fuit, per fructum *arboris* vita
quæ erat in medio paradisi.

II. DIE LVNÆ

De SS. Patrum desiderijs.

I. Consid. Patres antiqui illustriori
habebant notitiam *Adventus Sal-
toris* in Mundum, quem orationibus
sacri-

sacrificijs, alijsqe sanctis actionibus se-
per solicitabant dicentes: Psalm. 84.
*Ostende nobis Domine misericordiam tu-
am: & salutare tuum da nobis.* Ita Psal.
105. *Vista nos in salutari tuo. Veni,
Domine, & noli tardare, relaxa faci-
nora plebi tuæ.*

2. **Consid.** Ijdem Sancti, cum in vita
sua, hujus desiderij compotes non fie-
rent, etiam post mortem id ipsum in
ipsis permansit, in obscuro illo limbi
carcere, vbi petentes promissum sibi
reparatorem, clamabant dicentes: Isa
45 8. *Rorate cœli desuper, & nubes plu-
ant iustum; aperiatur terra, & germinee
Salvatorem.*

3. **Consid.** Ita perseverarunt per ali-
quot annorum millia, in eodem desi-
derio, semper petentes & clamantes
ad Deum, donec tandem venit fœlix
illud tempus, quo hoc mysterium fuit
expletum, tempus inquam, quo nos
fruimur.

Applicatio. Longè feliores nos su-
mus, ad quos *Salvator noster* quotidie
venit è cœlo descendens ad visitandos

habitatores terræ , vt immensis donis ac beneficijs cumulet eos , qui ferventer ejus Advētum Spiritualem in animas suas expectant , expetunt ; atq; ad illum dignè se præparant . Proinde iure optimo nobis dici potest . Luc. 10 . Beati qui vident , quæ vos videtis .

III. DIE MARTIS.

De Colloquio Angeli & B. Virginis

1. Consid. Quantum sit beneficium & quanta dignitas , quòd Angelus Gabriel à Deo missus fit ad B. Virginem Legatus , vt supremam dignitatem (vt esset *Mater Dei*) nuntiaret .

2. Consid. Quantâ reverentiâ illam salutaverit , dicens : *Ave gratiâ plena Dominus tecum*. Et stupefactæ , ait : Ne timeas Maria , quoniam invenisti gratiam apud Deum : adhuc dubitanti de modo addit ; *Spiritus Sanctus superveniet in te*.

3. Consid. Quomodo B. Virgo magnâ humilitate , obedientiâ ac fiduciâ , dixerit : *Ecce ancilla.*

Appli-

Applicatio. Eodem modo divina inspiratio, seu bonus Spiritus, venit ad animam puram pij Sacerdotis, & ad communionem se præparatis; dicens,
Ave anima pia, quæ juxta capacitatem tuam es gratiæ plena. Propter quam & *Dominus tecum est,* & nunc recens ad te venire vult, ut maneat apud te. Si autem ex tantæ majestatis consideratione pusillanimis fias, addit: *Nè timeras,* quia *i*nvenisti gratiæ apud Deum, qui te ministrum elegit, ad hoc divinum Sacrificium offerendum, optatq; intra cor tuum, sibi hospitium collicare. Si de modo tanti mysterij dubitas, ait: *Spiritus sanctus superveniet in te eccl.* Spiritus ille, qui te implevit, cùm Sacerdos factus es: ille nunc in te etiam superveniet, ut in hoc mysterio ritè præstando, te adjuvet, & virtus Altissimi gratiæ suâ te protegens, ita obumbrabit, ut cum puritate ipsū, hospitio suscipias. Itaq; excitare & tu pariter dicens: *Ecce servus Domini indignus qui ejus Sacerdos sim, Fia in me & per me, juxta verbum ejus,*

Ipse potens est facere , quod dicit,
ut cum S. Augustino dicas : Domine ,
da quod iubes , & iube quod vis.

IV. DIE MERCVRII.

De Mysterio Incarnationis.

1. *Consid.* Quòd Filius Dei hoc Mysterio optimè contentus fuerit. 1. Quia videbat se implèsse id , quod hominibus promiserat, ad eorū reparationē.

2. Quòd Patrem cœlestem glorificasset, à quo in mundum missus erat, atq; ita obtulit se Patri æterno , ad pendulum ei in omnibus usq; ad mortem.

3. *Consid.* Quòd idem Filius, magno amore animam & corpus sacratissimū complexus sit, cum certo animi decreto nunquam deferendi , quod semel accepit. Itaq; & animam in illo primo instanti innumeris bonis replevit: & corpori postquam mortem pro humano genere obiisset , maxima bona promisit.

4. *Consid.* Quomodo Sanctissima Pa-
rens

rens exemplo filij, admodum contenta fieret, videns jam ex parte impletum totius generis humani, ac suū etiam desiderium de hoc SS. mysterio futuro conceptum; maximè cùm videret se tot donis ac favoribus, ex Dei præsentia (quem intra sua viscera gerebat) impletam esse.

Applicatio. Eodem modo idem Dei Filius, infinito amore motus, ad te in sacra Communione ingreditur tanquā cibus tuus spiritualis, vt te quā tenerimè complectatur, tibiq; intimè vniatur, animo nunquā te deserendi (nisi tu ipse illum priūs reijcias) ad desideria cordis tui implenda, mira cœlestium donorum suavitate. Itaq; excitas in anima, vehemens perfectæ Iustitiae desiderium, vt, juxta illud Christi promissum Math. 5. *Beati qui esuriunt & sitiunt iustitiam, quoniam ipsi saturabuntur, tu h̄c in exilio quoad licet, & ibi in gratia, aliquando perfectè ad ejus gloriam perfruaris.*

V. DIE IOVIS.

De S. Ioannis Visitatione & Sanctificatione.

1. **Consid.** Quomodo Salvator, ne in utero Matris latens esset otiosus, cœpit statim opus redemptionis in S. Ioannem exercere, communicando ei insigne beneficium, idq; duplex, i. gratiam sanctificationis cum charitate, & reliquis virtutibus infusis 2. Gratiam actualis devotionis, cum dono contemplationis, lætitia spirituali ac mentis iubilo.

Applicatio. Idem Dominus nunc in SS. Sacramento latens ad te venit, vt easdem gratias tibi largiatur, modò te dignè præpares, quà secundùm internam dispositionem tuam, earum particeps fias.

2. **Consid.** Quales affectus in vtriusq; Pueri Matre fuerint, 1. in Elizabetha affectus humilitatis & admirationis, cum diceret: *Vnde hoc mihi, vt veniat Mater Domini mei ad me?* 2. Affectus laudis & gratitudinis in SS. Deipara, cùm

pro divers. temp.

81

cùm dixit: *Magnificat anima mea Domum &c.*

Applicatio. His duobus affectibus disponetur item anima ad duas p̄ædicas gratias in SS. Communione recipiendas.

VI. DIE VENERIS.

De dubitatione S. Ioseph.

1. *Consid.* Quomodo S. Iosephus, vi-
dens Sanctissimam Deiparam vterum
gestare, ab ea se subtrahere voluerit,
donec Angelus à Deo missus, consolās
eum, monuerit, ut Conjugem accipe-
ret, eò quod hoc totum à Deo esset.

2. *Consid.* Quā humilitate, reveren-
tiā, stupore, S. Iosephus B. Virginem
aspiceret, tanquam vivi Dei templū.
Item quo amore ac diligentia eidem
exinde servierit propter Deum ac Do-
minum suum, quem in ea latentem a-
gnoscebat. Et viciissim quām incensā
charitate ac cœlesti gratiā, SS. Deipa-
ra cum Iosepho Sponso loquebatur,

D 5

cum

eum de arcano Divinæ Incarnationis Mysterio erudiens. Sic hi *duo Seraphim*, se se in vicem ad Deum laudandum, eiç summo fervore serviendum, accēdebant.

Applicatio. Simile quid tibi aliquando accidit, quando ob exiguum tuam fidem, pietatem, &c. à SS Communione te subtrahis, donec cœlesti aliquâ inspiratione erectus vivaciori fide, humilitate ac fervore denuò recipias, & effectus velut alter Ioseph. i. **CRESCEs**, donorum cœlestium augmentū, cum insigni hujus S. Mysterij notitia accipias, ac tum etiam incensa cum ipso Domino colloquia ac gratiarum actiones usurpare debeas.

VII. SABBATHO.

De itinere ex Nazareth in Bethlehem.

1. **Consid.** Quomodo Christus relictā Hierusalem hanc civitatulam elegerit, vt ibidem nasceretur, ac seipsum mundo manifestaret.

2. **Consid.**

2. *Consid.* Quātum honorem hæc vrbecula, ex Christi Nativitate acceperit, vt ad eā Angeli, Reges, &c. paulò post accesserint, ac plurimi etiā Christiani eodē postea peregrinati fuerint, vt ex S. Hierō. & alijs historicis patet.

Applicatio. Simili modo dignatur idem Dominus, etiamnum venire ē Cœlo, atq; ingredi in pectus vilissimi homuncionis, atq; ita, illud nobilitat, efficitqué alteram Bethlehem, Domum panis, pane vitæ cor tuum roborans, ac desideria pia exsatians.

ALIA MEDITATIO à Nativitate ad Septuagesimam.

Hoc est secundum anni Ecclesiastici tempus, in quo Ecclesia & Salvatoris Mysteria celebrat, quæ in Missa renovātur. His ergo meditandis te ipsum varie excitare poteris.

I. DOMINICA.

De ipsa Christi Nativitate.

1. Consid. Quomodo Deus Supremus, cùm seipsum mundo, uti toties promiserat, manifestare vellet, elegerit pauperibus panniculis involvi, atq; in præsepio, animaliū mēsa reclinari.

2. Consid. Quomodo Angeli ē cœlis magno numero prodeuntē Dominum suum laudibus ac canticis celebrārint, ejusq; ortum Pastoribus nuntiārint.

Applicatio: Parimodo, nunc quotidie in Missa Christus Dominus manifestat seipsum tectus atq; involutus accidentibus panu & vini: atq; ita in sacra altaris mensa reponitur, tāquam esca hominum futurus. Sed Angeli (invisibiliter licet) eidem assistunt, ac fidem charitatemq; celebrantium excitant, de quo Ecclesia in Præfatione canit: *Vt dum visibiliter Deum cognoscimus, per hunc invisibilium amorem rapiamur.*

II. DIE LVNÆ.

De Circumcisione.

1. Consid. Quomodo Christus post Nati-

Nativitatem non diu distulerit incipe-re mysterium salutis nostræ , suscep-to Sacratissimo IESV Nominé , quod Sal-vatorem significat.

2. Confid. Quomodo , ne gratis offi-cij sui possessionem adiret , primitias pretiosissimi sui sanguinis effuderit , præbens exemplum raræ humilitatis , patientiæ , obedientiæ , & charitatis .

Applicatio . Non absimili modo in Missa præstat etiamnum IESV , sive Sal-vatoris officium erga fideles , applicans vnicuique pretiosi sanguinis sui pretium , præbens exemplum raræ hu-militatis , cùm figuram adeò humilem suscipit , patientiæ (in tolerandis in-jurijs , quæ sæpè in hoc Sacramen-to inferuntur) obedientiæ (dum quo-tiescūq; panis à Sacerdote consecratur præsens adest) & charitatis , cùm adeò profusè sese omnibus communicat .

III. DIE MARTIS *De Epiphania.*

1. Confid. Quomodo Salvator , licet adhuc

adhuc infantulus , ac in præsepio ja-
cens, ostenderit omnipotentiam suam
ac Gratiæ cœlestis efficacitatem , quâ
ex Oriente deduxit tres illos Reges,
cum tanto fervore , vt se coram illo
prosternerent & offerrent aurum tan-
quam Deo : myrram tanquam homi-
ni mortali : & thus tanquam summo
Sacerdoti.

Consid. Quantâ lætitia SS. illi viri
affecti sint. 1. videntes stellam , quæ
ipso deduceret. 2. videntes puerum,
quem à Spiritu S. edoc̄ti , verum Re-
gem agnoscerent. 3. audientes vocem
Angeli monentis , vt aliâ viâ in Pa-
triam redirent.

Applicatio. In Missæ itidem sacrificio,
suam omnipotentiam multis ostendit,
efficitq; vt omnes fideles, ac præcipue
Sacerdotes se coram illo prosternant
agnoscantq; sub parva hostia latenter
verum Deum & hominem , simulque
summum Sacerdotem Psal. 109. Secun-
dum ordinem Melchisedech. Hinc eti-
am ex hac notitia offerunt ei tres fer-
entes affectus : amoris , mortificatio-
nis , &

nis, & orationis, expectantes ab im-
mensa ejus liberalitate, ingentem re-
tributionem ac cœlestes inspirationes,
quibus viam intelligent, quâ ad Pa-
triā cœlestē per peccatum amif-
sam revertantur.

IV. DIE MERCVRII

De Præsentatione in Templo.

1. **Consid.** Quomodo Christus deside-
ratus omnibus, sese Patri Āeterno ob-
tulerit. 1. in gratiarum actionem ob-
collata mundo beneficia. 2. ad placan-
dam justissimam ipsius iram. 3. ad con-
sequendam pro omnibus copiosam
misericordiam.

2. **Consid.** Quomodo idem Dominus
S. Simeoni seni, & Annæ Prophetissæ
(qui magno ejus videndi desiderio te-
nebātur) sese manifestaverit, tribuens
eis gratiam, non tantūm ut cum læti-
tia agnoscerent, sed etiam alijs præ-
dicarent.

Applicatio. In Missa pariter, idem
Dominus quotidie se offert Patri Cœ-
lesti

lesti. Heb. 9. *Vt appareat vultui Dei pro nobis, ad eosdem fines supradictos, nobisq; præcipue Sacerdotibus, præbēs lumen, vt agnoscāt & benē vivāt:*

V. DIE IOWIS.

De fuga in Ægyptum.

1. **Consid.** Quomodo supremus Dominus, *tectus nube candida suæ humanitatis, vt prædixit Isa. c. 19. 1. suscep- perit longum iter ex Nazareth, ut ingredieretur Ægyptum, ibiç tunc commo- ta sunt simulacra in Ægypto &c.*

2. **Consid.** Quomodo idem Dominus cum suis parentibus, in terra illa sterili posuerit semina perfectæ sanctitatis, quæ postmodum excreverunt, ac frumentum copiosum tulerunt in tot myriadibus Anachoretarum, qui ibidem sanctissimè vixerunt.

Applicatio. Et nunc etiam in Missa idem Dominus longum iter suscipit è cœlo in terram (quamvis tamen cœlum non deserat) tegens seipsum accidentibus panis & vini, ut in cordibus nostris

nostris vitiis penitus destruatur & perfectionis Evangelicæ (quæ in Ecclesia semper floruit) semen jaciatur.

VI. DIE VENERIS

De Inventione inter Doctores.

1. **Consid.** Quomodo Christus Dominus ipsa Sapientia Æterna in contemptibili illa Pueri ætatula delitescens , magna cum humilitate, modestia, ac sapientia, in medio Doctorum responsis ac interrogationibus aptissimis admirationem moveat.

2. **Consid.** Quomodo idem Dominus post triduum in templo , à parentibus mœrore oppressis invent⁹, cum ijsde summa humilitate atq; obedientia descendenter in Nazareth .

Applicatio. Sic nunc in SS. Eucharistia, dignatur ingredi in corda fideliū, tanquam Magister Magistrorum , & Doctor Doctorum: docens legem perfectionis cum summa admiratione audiētum verba , quæ internè illis loquitur: & qui illum ibi cum lachrymis quæst-

quæsierit, inveniet eum, secumq; de-
ducet domum, vt habeat comitem suæ
peregrinationis in hac misera vita.

VII. SABBATHO

De Baptismo Christi.

1. **Consid.** Quomodo *Agnus Dei* Ioan.
2. purissimus, venerit ad Ioannem hu-
manitate tectus, & tanquam peccator
aquâ perfusus sit.

2. **Consid.** Quomodo cœli statim a-
periuntur, & Spiritu S. in columbæ
specie descendente, vox Patris audi-
ta est. Matth. 3. *Hic est Filius meus
dilectus, in quo mibi bene complacui.*

Applicatio. Non aliter nunc in Missa,
Christo speciebus panis ac vini tecto,
atq; ad nos descendente, aperiuntur
cœli, vt dona cœlestia in nos effundā-
tur, ac Pater cœlestis illustrationis suæ
voce testatur, hunc esse filiū vnigenitū
propter quem alij adoptivi diliguntur.

*Pro tribus septimanis à Septuagesima
ad Quinquagesimam.*

Poterunt hoc tempore considerari
7. convivia Christi , quibus repræ-
sentantur ea , quæ in hoc cœlesti con-
vivio peraguntur.

I. DIE DOMINICO.

De nuptijs in Cana Galilææ.

s. Consid. Quomodo Christus invi-
tatus ad nuptias ab hominibus tenuio-
ribus , venire non recusaverit , vt illis
benefaceret.

i. Consid. Quomodo vino deficiente,
jusserit hydrias 6. impleri aquâ , quam
ipse in vinum valde præstans conuer-
tit , vt defectum quo laborabant con-
vivæ suppleret , & ipsis aliquid læti-
tiæ conferret.

Applicatio. Simile quid in hoc cœ-
lesti spiritualium nuptiarum convivio
geritur , in quo Sacerdos infundit in
calice

calicē vinum aquā mistum , quod ipse Dominus vnā cum Sacerdote convertit in suum sanguinem pretiosissimum , vt hac ratione , fidelibus indulget , eosq; confortet , ac ferventis amoris vino inebriet .

II. DIE LVNÆ.

De convivio apud Phariseorū Principē.

1. Consid. Quomodo Christus à Principe quodam Phariseorum invitatus , p̄eclarè tradiderit convivis humilitatis documenta , adeò ut unus ex illis diceret : *Luc. 14. Beatus qui manducabit panem in Regno Domini.*

2. Consid. Quomodo Christus (ut huic respondeat) affert parabolam hominis , qui multos invitārat ad nuptias , sed ijs sese excusantibus (1. ob villam . 2. juga boum . 3. vxorem dūtam .) alios invitavit , & hos cœnam suam non gustaturos prædixit ..

Applicatio. Significat beatum esse , qni hunc panem S. Eucharistiæ in Ecclesia

clesia militante comedet; quia aliter comedet in triumphante: caveant tamen alij qui invitatur, ne se excusent, quia alij humiles (ipsis exclusis) admittetur, neq; alij deerūt in domo Dei.

III. DIE MARTIS.

De convivio S. Matthæi Luc. 5. Matt. 9.

1. *Confid.* Quomodo Christus post conversionem S. Matthæi, ascenderit in conviviu cum alijs publicanis: & quamvis Pharisei murmuraret, non tamen abstinuit vt peccatores converteret.

2. *Confid.* Ad murmurationem Phariseorum de conversatione cum peccatoribus reprimenda, adducit exemplum filij prodigi, cui converso pater occidit vitulum saginatum, & fecit convivium.

Applicatio. SS. Patres per vitulum saginatum intelligunt Carnem Christi quæ in hoc Sacramento datur etiam peccatoribus, sed ijs, qui pœnitentiam de peccatis egerunt, quare pius Pater non designatur cum iis comedere

dere, & proprium ferculum communicare, scilicet seipsum.

IV. DIE MERCVRII

De convivio Zachæi.

1. *Confid.* Quanto desiderio optarit Zachæus Christum videre, ut præcurreret, ascenderetq; in arborem sycomorum. Hinc Christus ei descendere jussò denunciat, se eo die apud ipsum velle manere.

2. *Confid.* Quod magna fuerit facta in tota illa domo mutatio, adeò ut Christus eam prævidens dixerit Matt.

19. *Hodie salus huic domui facta est.*

Applicatio. Ut peccator (qui extra se ambulat per res huius mundi dispersus) intelligat per pœnitentiam ad se ipsum redire, statim enim Deus cor ejus ingredietur, & in hoc SS. Sacramento integrum præbebit sanitatem.

V. DIE IOVIS.

De convivio s. panum, pro multitudine.

1. Con-

1. **Consid.** Huius simplicis plebeculae pietatem ac devotionem, ut Christum sequeretur, etiam insolitudinem, neglecto cibo &c.

2. **Consid.** Quomodo Christus huius populi misertus curam suscepit, dans ei nunc 5. nunc 7. panes, & multum superfuit.

Applicatio. Significatur hoc Sacramentum, in quo 7. continentur ad salutem nostram pertinentia. 1. Christi corpus. 2. Sanguis. 3. Anima 4. Divinitas. 5. Dona gratiarum. 6. Virtutum eius. 7. Meritorum ac satisfactionum thesaurus: & postquam desideria omnium cum communicantium explevit, adhuc quod supereret est infinitum, ut alios infinitos (si adessent) posset satiare.

VI. DIE VENERIS.

De convivio Simonis Leprofi.

1. **Consid.** Quomodo Christus tanquam benignissimus medicus non dignatur mensæ assidere, & maduare cum

re cum Simone^o, qui fuerat antea leprosus, nunc erat sanus: vel cum Lazarus, qui antea quatriduanus fuerat, & foetidus: sed à Christo suscitatus.

2. Consid. Quomodo huic convivio intervenerit Magdalena (à 7. dæmoniis per Christum liberata) ut lachrimis rigaret pedes eius, crinibus tergeret, & vnguentum pretiosum super ipsius recumbentis caput effunderet.

Applicatio. Non aliter modo in hoc sancto convivio agit, dum eos, qui antea peccatores fuerunt, sed modò se se emendarunt, ac vitâ gratiae vivunt, libeter admittit. Delectatur etiam si in hoc convivio, pretioso devotionis unguento vngitur, quando nostra omnia in eius obsequium offerrimus.

VII. SABBATHO.


De convivio ultimæ Cœnæ.

1. Consid. Quomodo Christus vnâ cum Discipulis, comederit initio agnū Paschalem veteris legis igni assum, cū lactu-

lactucis agrestibus, aliisque cæremo-
niis olim à Deo præscriptis.

2. Consiđ. Quomodo idem Dominus
comederit alium agnum, non jam ty-
picum (qualis fuit) sed Agnum Dei-
verum (corpus scilicet ac sanguinem
suum, sub speciebus panis & vini)
assum, jam non igne externo, sed
igne purissimæ charitatis.

Applicatio. His verò actionibus,
Christus nobis significat, optare se ut
qui communicaturi sunt, priùs eum
comedant spiritualiter, consideran-
tes eum fuisse assum igni suorum tor-
mentorum & cruciatum, gustasse eti-
am amaritudinem suarum afflictionū.
Ideoq; in ipsâ institutione hujus Sacra-
menti, dixit: *Hac quæescung, feceri-
tus, in mei memoriam facietur.* Deinde
idem Dominus sacramentaliter (post
talem præparationem) sumendus est,
ut participes fiamus dulcissimorum
redemptionis nostræ fructuum, qui
dignè cum sumētibus concedi solent.



MEDITATIONES SEPTEM
Pro tempore Quadragesimæ.

Quoniam hoc Sacramētum (vt pa-
lō ante dictum) est memoriale
passionis: ideo singulariter hoc ipsum
in Quadragesimæ tempore, quo Eccle-
sia Passionem Domini recolit, cele-
bratur.

I. DIE DOMINICO

De mysterijs in horto factis.

1. **Consid.** Quā tristitia affectus sit
propter peccata hominum & singula-
riter propter peccata, quæ homines
coram hoc Sacramento commissuri
erant: quales sunt injuriæ, quibus il-
lud afficiunt; parvus fructus, quem
inde capiunt.

2. **Consid.** Quomodo in agonia posi-
tus, sudārit guttas sanguinis, vt scili-
cet in sudore vultūs sui promereretur
nobis panem cœlestem, quem sumere
debe-

deberemus , vescentes ejus carne , cui sanguis conjunctus est , licet sub speciebus & accidentibus externis delitescant .

3. **Consid.** Quomodo inde surgens , obviam fuerit turbæ venienti ad comprehendendum , ac S. Petrum impedire volentem reprehenderit , dicens : *Calicem quem dedit mihi Pater , non vis ut bibam ?* Ioan. 18. Quo facto nos docuit , quâ alacritate ad hoc SS. Sacramentum accedendum sit , neq; permittendum , vt à quoquam impediatur , tâm à calice Passionis (si quando illū nobis Deus obtulerit) quâm à SS. Eucharistia sumenda , si eam Deus nobis inspiraverit mētem , dicendo cum Propheta , Psalm. 115. *Calicem salutaris accipiam : & nomen Domini invocabo.*

II. DIE LVNÆ.

De gestis in domo Caiphæ.

1. **Consid.** Christus Caiphæ roganti , an esset filius Dei benedicti , respōdit :

E 2

Ego

Ego sum. Et ne videntes cum tam abiectum, responso non crederent, adiecit, Matth. 26. Videbitis filium hominis sedentem à dextris virtutis Dei, & venientem in nubibus cœli.

Applicatio. Hoc spiritu tibi firmiter credendum est, cundem Dei filium qui sedet ad dexteram Patris, Iudex & aliquando venturus est, in hoc SS. Sacramento contineri, licet accidentibus panis & vini, in speciem abjectis, velatum, ut reverentiam tantæ maiestati debitam exhibeas, cum eo amore, quem tanta humilitas exigit.

2. *Consid.* Quomodo hostes, hoc responso auditio, velaverint faciem eius, in eam conspuerint, &c. quæ omnia, stupenda cum patientia pertulit.

Applicatio. In his significantur peccata indignè communicantium. *Velant oculos, qui accedunt fide mortuâ non advertentes, se à Deo videri, aut ibi præsentem esse. Conspuunt eum, qui cùm sint lascivi, voratores, garruli, accedunt tamen ad Communionem. Capillos vellunt, tumultuosi, scandalosi,*

losi, qui fraternalm unionem lædunt. Faciēm cædunt mundani, ambitiosi, qui leges mundi pluris faciunt; quam Dei ipsius. Hæc à malis tolerat in gratiam electorum, qui eum cum reverentia suscipiunt.

3. Consid. Quomodo Christus tota illa nocte detentus ac ligatus ibi fuerit; nec seipsum solvit, quamvis facillimè, si voluisset, potuerit. Sic nunc manet in sacrario Ecclesiæ solus, expectans ut manus fideles accedant, petituri necessitatum remedia.

III. DIE MARTIS.

De gestis apud Herodem.

1. Consid. Quomodo Herodes ex curiositate desiderarit videre Iesum, ut miraculum fieret, quod Christus noluit. Similis est; qui ad SS. Communione accedit, spiritu curioso gustandi favores, quos Christus electis suis largitur: sed talis indignus est.

2. Consid. Quomodo Herodes cum suis

suis eum spreverit, & veste alba induerit ad contemptum. Sic Dominus vestem gloriæ exuens, tegit se veste accidentium. Et quamvis ideò ab infidelibus & impijs contemnatur, tamen à pijs, pro amore & sapientia amatur.

3. Consid. Christus veste illa indutus, per plateas Hierusalem ambulavit, tanquam stultus, &c. irrisus ab alijs, qui ante paucos dies, vestes suas ejus asinæ substraverant. In præmium hujus contemptus defertur nunc magna cum pompa per plateas Ecclesiæ cum hymnis & canticis..

IV. DIE MERCVRII.

De gestis in Prætorio.

1. Consid. Quomodo Christus ab Herode rediens, minoris fuerit æstimatus, quàm Barabbas.

Applicatio. In hanc horam idem in SS. Sacramento sustinet, cùm multi pluris faciunt panem mendacij & voluptatis, item delicias ac honores mundi,

mundi, quām panem vi. æ, qui hīc datur, sicut olim Isrælītæ in deserto, mānna contemnentes, suspirabant allia, cæpas, &c..

2. Consid. Quomodo sacratissimum ejus corpus dirissimè flagellatum fuerit vt pretiosissimum sanguinem undequāq; effunderet, eundem tamen totum in hoc Sacramento posuit sub speciebus panis triticei, qui cribratur, molitur, pinsitur, & ad ignē coquitur, vt nostrum fiat alimentum. Sicq; docet, exercitia patientiæ apta esse media ad magnam spiritualem voluptatem ex hoc Sacramento capiendam.

3. Consid. Quomodo summa cum ignominia coronatus, & irrisus fuerit à militibus, & insuper à Pilato toti populo ostensus, cùm diceret: *Ecce homo;* sed multò magis à populo contemptus. Hunc in modum ostenditur nobis quotidie Christus in sacra Communione, cùm dicitur: *Ecce Agnus Dei;* quamvis enim videatur esse panis, tamen est verus homo, Imò *Agnus Dei,* qui tollit peccata mundi.

V. DIE IOVIS.

De Baiulatione Crucis.

r. **Consid.** Quomodo Christus usq; ad montem Calvæ ductus fuerit , ibi q; cruci affixus sacratissimum sanguinem copiosè effudérit per vulnera manuum & pedum. In hujus rei memoriam , quotidie in Missa levatur sacra Hostia , & calix , in quibus est idem corpus & sanguis ejusdem Domini nostri , cum signis vulnerum , per quæ tunc fluxit , ut omnes intelligent; **Primo** , Se si huc Dominum ita elevatum , viva fide aspiciant , sanandos esse à spiritualibus vulneribus , si modò veniam pro illis flagitâr nt. **Secundo** , sciant etiam finem ac scopum sacræ Communionis esse , vt vires recipient ad tolerandam crucem , atq; in eadem mundo & proprio amori moriantur , instar *Viduae illius*. 3. *Rez.* 17. quæ dñi ligna colligebat , vt panem faceret pro se & filio , ac morieretur : Sic nos mysteria crucis

crucis Christi considerantes , condie-
mus panem cœlestem , quo sumpto ,
moriemur mundo , ac Deo vivemus .

2. Consid. Quomodo C H R I S T O ad
montem perducto , dederint secun-
dum Prophætam , Fel in escam , & in
siti potaverunt eum acetō . Ipse verò
nunc dat nobis carnem suam in cibum
& sanguinem suū in potum cum sum-
ma dulcedine , quem ipse magna ama-
ritudine comparavit .

VI. DIE VENERIS.

De mysterijs in Cruce factis.

Consid. Quæ signa facta sunt cùm
Dominus in Cruce penderet. Hæc
enim innuunt dispositiones , quibus
ad SS. Communionem sit acceden-
dum. *Terræ motus* , est timor Dei .
Scissio petrarum , est contritio , quâ cor
conteritur . *Sepulchrorum apertio* , est
sacra Confessio . *Scissio veli* , est pene-
tratio arcanorum Christi . *Verba septem*
quæ in Cruce locutus est , significant

E s

fructus

fructus ex sacra Communione hauriendos. 1. orare pro persequentibus. 2. benefacere indigentibus & petentibus, 3. curam agere personarum & rerum, quæ nobis aliqua ratione incurrunt. 4. sitire justitiam, gloriam Dei, & frequentem Communionem, 5. opera Dei ad finem usq; perducere quanta fieri potest, perfectione. 6. recurrere ad Deum in nostris angustijs. 7. Spiritum nostrum, nostraq; omnia ei fiderenter committere, neq; ex Crucce descendere usq; ad mortem, etiamsi, ut eam deseramus, urgeant adversarii, qui nos tentant.

VII. SABBATHO.

De sepultura Christi.

Consid. Quomodo Christi Corpus ynctum fuerit magnâ copiâ myrrhæ & aloës involutum sindone mundâ, ac positum in sepulchro lapideo, in quo nondum quisquam positus fuerat, ad voluto etiam ac signato ingenti lapi de ad

de ad ostium monumenti. Quibus si-
gnatur ratio perfectè communican di-
offererendo Deo multas mortificatio-
nes, easq; valdè perfectas. 2. induen-
do vescem puram magnæ perfectio-
nis, aptatam novo homini. 3. præ-
parando in anima interius monumen-
tum, sive sepulchrum, in quo ipse
Dominus requiescat. 4. Cor post su-
scptam SS. Communionem lapide
constantiae claudēdo, firmo proposito
obsignando, & magnā sensuū custodi-
am adhibendo, vt SS. cogitationibus,
ferventibus affectibus, ac petitioni-
bus, tali hospite in cor suum susce-
pto, seorsim perfruatur.

A PASCHATE AD PEN- TECOSTEN.

Considerari possunt mysteria, quæ
eo tempore evenerunt, quæq; ab
Ecclesia, tum ferè celebrantur, &
quæ ad SS. Eucharistiæ Communio-
nem applicanda erunt.

I. DOMINICA.*De Descensu ad limbum.*

Confid. Quomodo Sanctissima Christi Domini anima visitaverit iustos, qui erant in limbo, eosque consolata fuerit, claram sui visionem eis communicans, & ex obscuro carcere, in qua tenebantur educens: ita etiam eadem visitat communicantes, eos consolatur, & ex tenebris quibus tenentur educit, ac benignæ iucundæ contemplationis dono eos illustrat.

II. DIE LVNÆ.*De Resurrectione glorioſa.*

Confid. Quod resurrexit gloriosus, vniens animam corpori mortuo, quod erat in sepulchro, tribuens ei quatuor gloriæ dotes. Ita & nunc cum tota sua gloria ingreditur animam cui unitur, eamq; vivificat, & fervorem impertit,

com-

communicans ei cœlestes suas proprietas: vt cum ipso resuscitata in vi-
tæ novitate ambulet. Reddit etiā illā
quasi impassibilem, ob patientiam in
adversis; quasi incorruptibilem & im-
mortalem, ob præservationem à gra-
vioribus culpis; clarā & splēdentem,
ob splendorem operum bonorum; agi-
lēm & promptam ad præcepta & con-
silia divina implenda & amplectenda;
subtilem dēniq; & ita spiritālem, vt
exuat se ab omnibus rebus terrenis.

III. DIE MARTIS.

De Apparitionibus.

Considerandæ variæ ejus apparicio-
nes, diversis vicibus, variisq; figuris
discipulis suis factæ, loquendo cum
eis, Act. i. *De regno Dei:* magnaq; ar-
cana eis aperiendo, *Vulnera suā tan-*
genda offerendo, & magnos alios fa-
vores eis exhibendo, ac magna auxilia
promittendo: nunc hoc, nūc illo modo.
Ita etiam in sacra Communione ma
nifestat.

nifestat se spiritualiter iustis , mille modis : cum quibus magnā contrahit familiaritatē , & blandissimè loquitur .

M O N I T O .

Possent quoqué ex variis Christi apparitionibus eligi 7. pro 7. Hebdomadæ diebus , quales esse possunt .

1. Beatissimæ Virgini Mariæ factæ .
2. Mariæ Magdalena eiusq; sociabus .
3. S. Petro Apostolorum Principi ob peccatum dolenti .

4. Duobus Discipulis euntibus in Emmaus .

5. Omnibus Discipulis in cœnaculo congregatis .

6. Facta iis , qui piscabantur , ad mare Tiberiadis .

7. Facta omnibus , in ipso festo Ascensionis . Pro quibus materia sumi poterit 5. parte Medit. applicādo ad hoc Sacramentum quod difficile non erit , quare in plerisq; vel sumebat cum eius cibum , frangebat panem aut partem piscis assi , vel favum mellis , quæ erant

erant huius convivii cœlestis, figuræ,
in quo res significata nobis datur.

IV. DIE MERCVRII.

De glorioſa Ascenſione.

Conſid. Quod ſuo tempore ascendens
in cœlum vnde venerat, captivam
ducat captivitatem, & corda Disci-
pulorum, ibiꝝ ſedet ad dexteram
Patris, agens noſtrum advocationem. Ita
& nunc deſcendit de cœlo ad Sacra-
mentum & ingreditur cor communicantis:
& poſtea deſcendit in cœlum captivam
ducens eius animā, amoris compedi-
bus: vt conuerſationem ſuam habeat in
cœlus, vbi ipſe eſt, & ipſa præſens ſit ſpe,
quod ſuo tempore eodem deſcendet, &
cum eo ſedebit in alia ſede glo-riæ

V. DIE IOVIS.

De cœleſti gloria.

Conſid. Quemadmodum ipſe Chri-
ſtus verus Deus & homo eſt in cœlo
empty-

empyreo, magnum præsentia sua honorem adferens cœlesti beatorum civitati : nam ipse est sol eos illuminans, fons aquæ vivæ eos recreans, alimen-tum, quod illos alit, suæq; Divinitatis & Humanitatis visione latiat, ita ut in ipso solo habeant Beati omnia bona, quæ ad æternam suam requiem optare possunt. Eqdēm modo voluit idem ipse Dominus assistere Ecclesiaz suaz, latens tamen *in hoc Sacratissimo Sa-cramento*, nos ipsos honorans, & omnibus bonis replens. Nam vt S. Ambrosius dicit lib. 3. de Virginitate: *Christus nobis omnia est: nostra sapientia, iustitia, sanctitas: & Redemptio nostra.*

VI. DIE VENERIS.

De Spiritu Sancto.

Misit prætereà Spiritum S. è cœlo in suos discipulos, qui donis & gratiis suis eos replevit, & in alios viros mutavit, *igneas lingas eis dedit ad lo-quendum,*

quendum, & prædicandam eius legem
magno spiritu fervore. Et nunc vult
idem ipse Dominus etiam è cœlo ve-
nire ad *Sacramentum*, & inde nobis
Spiritum sanctum communicate, gra-
tias suis replere, & amoris sui igne
inflammare: ut de eo sentiamus, &
cum eo loquamur ut par est, ad nostrā
maiorem perfectionem, & aliorum
bonum. Quare in hoc Sacramento ve-
nit ille Dominus, qui est flos *Iesse* Isa. 11.
In quo requievit Spiritus Dei, cum se-
ptem spiritibus: quos Isaias appellat
cap. 11. 2. *Spiritum sapientiae & intelle-
ctus, spiritum consilij & fortitudinis, spi-
ritum scientiae & pietatis & spiritum ti-
moris Domini.* Est quoque Zach. 3.9. *La-
pis super quem sunt septem oculi.* Apoc.
5. 9. *Qui sunt septem Spiritus Dei, misi
in omnem terram.* Et ingrediens in
communicantem dignè, tribuit ei se-
ptem hos spiritus valde copiosè: *timo-
rem filialem*, quo ipsum reveratur, &
ab omni recedat malo: *fortitudinem*,
quâ res magnas obsequii eius aggre-
diatur: *pietatem*, quâ ad res divini cul-
tus

tūs benē sit affectus: consilium, nē in rebus agendis aberret: scientiam, ad opera Dei, eiusq; beneficia agnoscēnda; intellectum ad fidei mysteria penetranda: sapientiam deniq; ad sentendum & voluptatem capiendam in excelsis rebus divinitatis.

VII. DIE SABBATHI.

De inspiratione Spiritus Sancti.

Confid. Quomodo Spiritus S. statim coeperit inspirare fidelibus frequētem huius Sacramenti vsum: de quibus S. Lucas Actuum 2. 24. ait: Erant perseverantes in doctrina Apostolorum & orationibus, & communicatione fractionis panis, qui erat Eucharistia. Nam Spiritus S. proprium est, iustos his tribus cibis spiritualiter alere: concionibus scilicet audiendis, orationibus fundendis, & huius divini panis communicatione. Quos hoc ordine collocat, quia Dei verbum audire, disponit ad orationē pię fundendam, oratio ad Communionem, quæ præcipuus est cibus.

A PENTECOSTE
vñz ad Adventum.

Considerari possunt mysteria divinitatis eiusq; perfectionum ac beneficiorum, quæ mundo contulit: quæ possunt in singulos hebdomadæ dies distribui. &c.

I. DIE DOMINICO.

De Mysterio SS. Trinitatis.

Consid. Quod scilicet tres Personæ Divinæ propter unitatem in essentia, sint in SS. Sacramento, comitantes corpus & sanguinem Iesu Christi Domini nostri. Pater itaq; æternus ibi est, generans filium suum, eiq; communicans suamet divinitatē, summè gaudēs quod talem habeat filium, & quod ille sit cum humanitate unitus, sub speciebus panis & vini: quia ipse misit illum in mundum, vt noster esset redem-

redemptor: & nunc eundem mittit, vt
nostrum sit alimentum, quod ab ipso
nobis dari petimus, dicentes: *Pater
noster qui es in cœlis: Panem nostrum quo-
tidianum da nobis hodie.* Filius Dei cum
summa voluptate in ipso est *Sacramen-
to*, accipiens esse à suo Patre: & vterq;
mutuo se amore infinito amātes, pro-
ducunt Spiritum Sanctum, & ibi est
cum sua humanitate coniunctus venitq;
eò, vt nos sibi per amorem coniungat:
ponens nobis tanquam exemplar, vni-
onem, quam cum suo Patre habet: vt
ipsemet Christus Dominus loquens,
cum Patre suo affirmavit dicens: *Ioan.
17. Ego claritatem quām dedisti mihi de-
di eis: ut sint unum, sicut & nos vnum
sumus.* Spiritus Sanctus in codem Sa-
cramento est, accipiens esse à Patre
& Filio cum summo gaudio: quod sit
vnum & idem Deus cum illis: & cupid
seipsum nobis communicare in hoc
Sacramento: vt faciat nos vnum secū
per charitatem, quam effundit in
corda nostra. Et sic impletur, quod
*Salvator noster dixit. Ioan. 14. 23. Si
quis*

quis diligit me, sermonem meum servabit,
& Pater meus diligēt eum, & ad eum ve-
niemus, & mansio[n]em apud eum faciemus.

II. DIE LVNÆ.

De divinis perfectionibus.

Consideratio erit septem Divinarum
perfectionum, quæ in hoc mysterio
eluentur: infinitæ scilicet Sapientiæ
Dei, quâ talem convivii formam ad-
invenit, ut coniungeret res adeò di-
stantes, & modo illo adeò prodigioso
ut nobis indulgeret *Immensitatis*, quam
manifestat in eo, quod quemadmodū
Deus est in omni loco, & in terra, &
in locis innumeris: ut possit ubique
esse venerationi & cum reverentia
sumi. *Omnipotentiæ*, quâ stupenda
adeò edit prodigia, convertens sub-
stantiam panis in corpus suum, retētis
interim accidentibus panis, quibus
se tegat, & occultet: idq[ue] facit in
vno momento, & simul in plurimis
locis. *Infinitæ Charitatis*: quâ nos adeò
diligit,

diligit, vt velit vnum fieri nobiscum sicut cibus cum comedente, quamvis non nos eum mutemus in nos, sed nos mutemur in eum, vt ejus gloriæ participes efficiamur. Immēsæ *Misericordia*, quā inductus, ipse met in persona venit ad reparandas nostras miserias, & pascendos esurientes, potumq; præbendum sitientibus, cibo & potu adeo pretiosis. Summæ *Perseverantia*, hæc omnia præstans, & toties repetens, usq; ad finem mundi, assistens inter suos Ecclesiæ suæ, vt etiam nunc ostendat, se in finem diligere Ioan. 13. eosq; velle in regnum suum admittere.

III. DIE MARTIS.

De beneficijs naturalibus.

Consideratio erit de beneficijs naturalibus, Creatione, Conservatione, & Providentiâ erga homines. Non enim contentus, quod nos ex nihilo creaverit, & sēper nos in esse quod dedit conservet, peculiarem gubernationem

nem & providentiam vniuersitatisq; gerit, subveniens cuiq; prout opus habet manumq; suam aperiens ad eos benedictionibus suis replendos, tribuens alimenta necessaria corpori, cum milie ciborum differentijs & varietatibus. Sed cum id totum modicū reputaret, voluit suavissimam suam providentiam ostēdere, prospiciens nobis de cibo alio cœlesti multò pretiosiori quam fuerit Manna. Accipiens enim naturalem cibum panis & vini, illum in corpus & sanguinem suum transubstantavit, vt sub speciebus rerum naturalium ingrederetur in nos, quod est Dei supremum. *Quid enim (ait Zacharias Propheta c.9.7.) bonum eius est, & quid pulchrum eius nisi frumentum electorum, & vinum germinans Virgines?*

IV. DIE MERCVRII.

*De beneficijs supernaturalibus nostræ
Redemptionis.*

Consideratio erit beneficiorum supernaturalium nostræ redempionis: cum

cùm filius Dei factus est homo , & in hoc visibili mundo fecit erga homines omnia officia, quæ illi poterat in suum commodum optare . Ostendit enim amabilem suam providentiam erga eos . Nam , vt Magister , eos docuit doctrinam cœlestem ; vt medicus , eorum curabat morbos ; Pastor & protector eosdem regebat , & in suis periculis protegebat , Benefactor omnium vniuersalis : ac deniq; fuit eorum Redemptor , effundens suum sanguinem , & crucis mortem subiens . Et quoniā pauci homines frui potuerūt eius præsentia in carne mortali , modum illum adinvenit , vt in hoc Sacramento remaneret , & cuiq; eadem conserret beneficia , & facheret participes bonorum , quæ talia officia exercendo , largitur .

V. DIE IOVIS.

De eisdem.

Consideratio erit beneficiorum supernaturaliū , quæ sunt media nostræ salutis ,

salutis, & continentur in vocatione, justificatione, augmento gratiae, & charitatis, omniumq; virtutum, ac donis Spiritus Sancti, & perseverantia usq; ad finem vitæ: quæ Dominus noster communicat cœlestibus suis inspirationibus, & Sacramentis, quæ constituit, & nobis reliquit. Inter quæ tamen magis eminet EVCHARISTIA, in qua non contentus, quod sua nobis dona largiatur, seipsum etiam nobis tradit, & ipse met per seipsum venit, ut propria sua manu ea nobis det, & inde in ipsa Missa mittit inspirationes sanctas, quibus vocat, justificat, & ferventiores reddit adstantes, & frequenti communione gratiam suam auget, & perseverantiam in ea tribuit: ipse enim dixit: Ioan. 9. 55. *Qui manducat me, non morietur, sed vivet in æternum.*

VI. DIE VENERIS.

De Sacrificio Missæ & Valore.

Consid. Quod Sacrificium sit fons duorum præstantissimorum beneficio-

F

rum,

rum. Est enim infinitus thesaurus , ex quo pretium accipimus , ad solvenda nostrorum peccatorum debita , imò etiam cognatorum nostrorum & amicorum viventium ac defunctorum: est quē titulus & jus amplitudinis infinitæ ad impetranda omnia naturalia & supernaturalia bona , quæ desiderare possumus , & petere à Domino nostro , in utilitatem & commodum nostrum , ac proximorum . Ex quo fit , ut miracula quæ Salvator noster , dum vivebat in hoc mundo , edidit erga infirmos & indigentes ; eadem etiam in hoc Sacramento ediderit , accipientibus illud viris sanctis , tanquam medium ad ea impetranda , ad dandam scilicet infirmis sanitatem , ejiciendos dæmones hostes superandos , & insignia alia miracula .

VII. DIE SABATHI De beneficio cœlestis gloriae.

Confid. Beneficium gloriæ cœlestis
quæ est æternus & immutabilis status

ab

ab omnibus malis, quæ timeri alias possunt expeditus, plenus verò omnibus bonis, quæ desiderari possunt, propter uisionem & possessionem Dei, cuius pignus est Sanctissimum hoc Sacramentum, adeò certum & securum, ut ipse Salvator dixerit, 9. 55. *Qui manducat meam carnem habet vitam æternam.* Quare si Deus oculos mihi aperiret tantumq[ue] lumen largiretur, vt videre possem totum quod ibi latet, statim essem beatus, sicut qui jam sunt in paradiſo. Et quemadmodum ait S. Ioannes, Apoc. 22 1. *Quod ē sede Dei & Agni procedebat fluvius aquæ vivæ, irrigans cælestem civitatem Ierusalem (& ex utraq[ue] parte fluminis erant plurimæ arbores Vitæ, per mensæ singulos reddentes fructum suum :)* & significant ipsos beatos, quorum gaudia sunt semper recentia, & perpetua : propter visionem beatificam, quæ fluminis instar procedit à Divinitate, & humanitate Salvatoris : ita dicere licebit, in Divino hoc Sacramento esse thronum & sedem Dei & Agni, qui est Deus &

homo, à quo fluit fluvius gratiæ ac cœlestium deliciarum: cuius virtute justi conservant bonorum operum fervore ad similitudinem beatorum. Cum igitur Christus verè sit arbor vitæ inse mutans comedentem ipsum, non mirum quod ipsi comedentes etiam vocentur arbores vitæ. Excita igitur in te fidem Christi Domini in hoc Sacramento præsentis, cupiens vniri ei per ferventem amorem. Sic enim habebit hic inchoatam tuam beatitudinem, suspiras ad æternam & plenam consequendam, ac dicens cum Angelico Doctore Sancto THOMA.

*Iesu, quem velatum nunc aspicio,
Quando fiet istud, quod tam sitio,
Ut te revelata cernens facie,
Vixi sim beatus tuae gloria?*





S P E C V L V M
C L E R I C O R V M
 A C S A C E R D O T V M ,
E X I V R E C A N O N I C O ,
 & doctrina S. CAROLI Card.
 Borromæi confectum.

P R A E F A T I O .

Sacrum sanctum. & OEcumenicum
 Concilium Tridentinum in Sess.
 12. de Reformatione Cap. 1. Sta-
 tum Clericalem in debito officio con-
 tinere desiderans, & in quibus forte
 defecisset emendare & reducere, vt
 Christi bonus odor sit Deo in omni-
 bus, vt convenit, quæ sequuntur, sta-
 tuit, & decrevit, quæ quidem, pro
 præsentis S P E C V L I Clericalis & Sa-
 credotalis introductione & procœmio
 convenientissimo hic syllabatim infe-

rere consultum fuit, cùm nihil eo me-
lius, nihil vè sanctius, aut luculentius
ad hoc propositum possit excogitari.
Sic igitur Sancta Synodus piæ Matris
Ecclesiæ Ministros, Clericos & Sacer-
dotes adoritur & exhortatur Concil.
Trident. Sess. 12. cap. 1.

Nihil est, quod alios magis ad pietat-
em & Dei cultum assiduè instruat,
quàm eorum vita, & exemplum, qui
se Divino Ministerio dedicarunt. Cùm
enim à rebus sæculi in altiorem subla-
ti locum conspiciantur, in eos, tanquā
Speculum reliqui oculos coniiciunt,
ex ijsq; sumunt quod imitantur. Qua-
propter sic decet omnino Clericos, in
sortem Domini vocatos, vitam, mo-
resq; suos omnes componere, vt habi-
tu, gestu, incessu, sermone, alijsq; om-
nibus rebus, nil, nisi grave, modera-
tum, ac religione plenum præseferant:
levia etiam delicta, quæ in ipsis maxi-
ma essent, effugiant, vt eorum actio-
nes cunctis afferant venerationem:
Cùm igitur, quo maiore in Ecclesia
Dei & utilitate, & ornamento hæc
sunt,

sunt, ita etiam diligentius sint obser-
vanda, statuit Sancta Synodus, ut quæ
aliás à Summis Pontificibus, & à sacris
Concilijs de Clericorum vita, hone-
state, cultu, doctrinaq; retinenda: ac
simul de luxu, comeditionibus, cho-
reis, aleis, lusibus, ac quibuscumq; cri-
minibus, nec non sæcularibus nego-
tijs fugiendis, copiosè ac salubriter
sancita fuerūt, eadem in posterum ijs-
dem pœnis, vel majoribus arbitrio
Ordinarj imponendis, obseruentur;
nec appellatio executionem hanc; quæ
ad morum correctionem pertinet,
suspendat. Si qua verò ex ijs in desve-
tudinem abijisse compererint, ea quam
primùm in usum revocari, & ab omni-
bus accurate custodiri studeant, non
obstatibus consuetudinibus quibus-
cumq;, né subditorum neglectæ
emendationis, ipsis condi-
gnas, Deo vindice,
pœnas per-
solvant.

L E G E S E T R E G V L Æ
Clericorum ac Sacerdotum.

I.

Sint Clerici memores perpetuò vocationis, quâ eos Dominus dignatus est, ejusque quod scriptum est: *Sancti estote, quia ego Sanctus sum, nemini dantes ullam offenditatem, ut non vituperetur ministerium, sed in omnibus exhibentes seipsoſ sicut Dei ministros.* Levit. II. g. 44. 2. Cor. 6. a. 3.

II.

COelestem in terris vitam, tanquā Angeli Dei, agant, exfoliantes veterem hominem cum actibus suis, & novum induentes; quinimò sint electi Dei, Sancti & Dilecti; viscera misericordiæ, benignitatem, humilitatem, modestiam, patientiam induentes; sint prudentes, sed non apud se metipſos: supportantes invicem: non invicem provocantes: non invicem invi-

invidentes: subiecti invicem: non dominantes in Laicis, sed charitate fraternitatis in vicem diligentes, & honore in vicem prævenientes: hospitales, in vicem suscipientes, & justitiam induentes: si fieri potest cum omnibus hominibus pacem habentes: omnem ostendentes mansuetudinem ad omnes homines. Ex Epist. S. Pauli Apost.

III.

Non huic sæculo, sed Pontificum sanctionibus Oecumenicis, Concilijs Provincialibus, Diœcesanis Synodis se se conformantes, & adhærentes: Episcopis, alijsq; Superioribus obedientiam & reverentiam habentes.

IV.

Sint spiritu ferventes, Domino fervientes, & orationi instates, ut ambulent dignè, Deo per omnia placentes: in omni opere bono fructificantes, & crescentes in scientia Dei: & quæcunq; sunt vera, quæcunq; amabilia, quæcunq; bonæ famæ, si quæ virtus,

V.

Si sint in sacris, aut beneficiati, Horas Canonicas studiosè & devotè recitent: & psallant sapiēter, & non fraudulenter. *Cap. Doctores de celebr. Miss. & Pius V. in Bulla quæ incip. Ex proximo.*

VI.

COronam (quod insigne est Ordinis Clericalis) non majorem, nec minorē, sed conspicuā & pro ratione Ordinis quo singuli iniciati fuerint, gerāt.

VII.

COmam & barbam nè studiosè enuntiant, & in superiori labio (in Sacerdotibus præsertim) omnino rescindatur, ita ut appareat discriminè à fæcularibus. In refecandis, & mundandis vngvibus pollicis & indicis Sacerdotes diligentiam adhibeant. *Cap. 4. de vita & hon. Cler. & cap. Clerici eodem.*

VIII.

Habitum gestent non exquisitum,

non fulgidū, aut speciosum nimis: rur-
sus non sordidum, & neglectum,
sed gravem, & talarem, & is tūm
dōmi, tūm fōris sit pro vniuersitatisque
Ordinis, gradusq; ratione: quem nun-
quam dimittant: neq; ob parentum,
aut propinquorum mortem eum mu-
tent. *Concil. Trident. Sess. 23. cap. 6.*
& Sess. 14. c. 6. Six. V. in Bulla Cœna.

IX.

Fvgiant ornamentorum novitatem,
colorisq; varietatem, præfertim
rubei & viridis, sed nigro semper in
exterioribus, in interioribus verò simi-
liter, sive aliquo honesto colore vtan-
tur nisi dignitas colorem alium requi-
rat. *Ex Syn. pro S. Car. c. porrectum &c.
ex parte de Regul. &c. vlt. distinet. 41.*

X.

Qvando verò iter faciendum erit,
possunt uti habitu contractio-
ri, sed simplici, in quo semper ho-
nestas Clericalis eluceat: veste vir-
gata non vtantur. *Synodus Provinc.*

X I.

Pileus in summitate non acutus, in longitudine & latitudine & cingulo modestus, & sacerdotalibus dissimilis sit.

X II.

Collare, quod dicunt, simplex, & modice latum honeste retineatur: camisias ad collum, & ad manus crispas, & rugosas, artificio elaboratas reiiciant.

X III.

Trigidis & dissectis caligis non vtantur: calceos & crepidas ad elegantiam ne incident, torques & armillas, ac monilia respuant: item a sacerdotalibus confortijs, frænis, sellis, pectoralib⁹, calcaribus deauratis abstineant.

X IV.

Anulum ne induant, nisi hi, quibus propter Officij munus, aut honoris gradum, sit jure concessus. Ejus vero locus in quarto digito dexte-

dexteræ manus erit. Cap. Clerici
officia. de vita & honest. Cler.

XV.

ET si Sacerdotes illum induant,
in Missæ Sacrificio eum deponant

XVI.

AB omni splēdido apparatu, luxu, fa-
stu, pompaq; sacerdotali abstineant.

XVII.

ACrapula & ebrietate caveant,
nec quisquam ad bibendū, & sumē-
dos potus æquales incitet offerens po-
cula: parca & frugali mensa sint con-
tenti, eamq; præcedat benedictio, &
intercedat sacra librorum lectio, &
gratiarum actio absolvat. Cap. Non li-
cet. distr. 44. Cap. 14. de vita & hon. cl.

XVIII.

SVpellectili etiam modesta, ac
potius tenui vtantur.

XIX.

XIX.

Clericorum arma sunt orationes, & lacrymæ: Idecirco arma ne ferant nisi fortè extra civitatem, & in suspectis locis. iter agendum sit, tunc impletatâ licentiâ ijs ut liceat: & ne pugnent etiam in bello justo, nec sint percussores, accusatores, ac calumniosi, nec judicent in causa sanguinis. *Cap. 2. de vita & bon. Cler. c. petitio, de Hom. cap. 5. ne Cler. vel Mon.*

XX.

Personati ne incedant, nec mimis, iacula toribus, histri onibus, fabulis, comædijs, hastiludijs, alijs vē inanibus spectaculis: nec vbi sangvinis vindicta exeretur: nec improborum hominum conuersationibus intersint, nisi eorum pia opera sint ibi necessaria: nec pro latronibus & improbis hominibus apud Principē & Magistratū intercedat, sed apud Deum: pro injuste autem oppressis, & calumniam patientibus, pos sunt, & debet apud vtrumq; intercede re.

re. Cap. Cler. officia de vita & hon. Cler.

XXI.

NEc sint aleatores, nec hujusmodi ludorum spectatores: ludus tamen honestus, & decorus, citraq[ue] scandala, permittitur, non turpis lucri cupiditate, sed animi causa. *Cap. I. dist. 35.*

XXII.

Nihil autem scurriliter, nihil indecorè, nihil turpiter loquātur, seipso facientes joculatores, goliardos, & buffones. *Cap. Cl. de vita & hon. Cl. in 6.*

XXIII.

CUriositatem, levitatem, adulatiōnes, assentationes, maledictarixas, contumelias, iram, indignationem, malitiam, blasphemiam, turpem sermonem caveant.

XXIV.

Abstineant etiam à venationibus, aucupijs, & choreis, nec licet alere canes, accipitres, falcones, & hujusmodi ad venandum nisi recreatis

- onis causâ tantum, & sine strepitu aliquando venari permittitur. Cap. 1. & 2.
de Cl. ven. Conc. Trident. sess. 24. c. 12.

XXV.

TAbernas, & cauponas evitent, nisi necessitatis & itineris causâ, tuncq; honestè gradiantur, modestè maneant & citò exeant; nec peregrinentur sine licentia: nec sine literis commendatijs in ordine ministrent: nec nocturno tempore vagentur, sed in Ecclesijs proprijs sint assidui. Cap. de cohabit. Cl. & mul. &c. Clericus d. 81. c. 2. eod. tit. c. unito de voto in 6. de vit. & hon. Cler.

XXVI.

CVm mulieribus non cohabitent, excepta matre, amita, & sorore, imò neq; cum his, si sint suspectæ: quia castitatem illibatam & sine suspicio- ne servare debent: qui in sacris iniciati sunt, tenentur ex voto.

XXVII.

MOnasteria Monialium frequenta- re non præsumant, nisi ex ratio-

nabili causa : sæcularibus negotijs non se immisceāt, mercaturā & negotiationem, officia Vicecomitis, Tabellionis, carnificum , seu macellariorum & tabernariorū, ne exerceant : nec consilat, vel consentiat , vel dictet vel proferant sententiā sanguinis. C. Monasteria c. 2. Ne Cler. vel Mon. c. 9. eod.

XXVIII.

ARs verò honesta , quā ad victimū necessaria comparari possunt , ijs permittitur . Clem. 2. de vit. & hon. Cl.

XXIX.

Artem medendi ne faciant , imo Leges , & Medicinam ne audiant , nec alta sapientes , ad studium Philosophiæ & Pœsis , vltra permissum tempus incumbant . Cap. Clerici officia , eod. tit. Cap. vlt: Ne Clerici vel Mon.

XXX.

Sed quotidie aliquid ex sacris Biblijs , & ex Sanctorum Patrum opusculis . Gregorij Magni , Augustini , Chry-

Chrysostomi, Bernardi, Cypriani,
Concilij Trident. Cathechismi Rom.
Ration. Div. off. & libros vitæ spiritu-
alis de Sacramētis, ritibus & cæremo-
niarū Ecclesiæ, & Casuū conscientiæ,
attentè legant. *Synod. Prov. S. Card.*

XXXI.

Libros de rebus jocosis, ridiculis,
obscœnis, & inanibus: picturas &
imagines obscœnas, procul abijciant.

XXXII.

Otia perniciosa, & pigritiam fugi-
entes, modesto silentio studentes,
accuratè videant, quâ præparatione,
quâ devotione, quâ reverentiâ, iuxta-
ritus & rubricas divinum Officium di-
cere, & Sacerdotes sæpè Missas cele-
brare: reliqui Clerici, maximè qui in
Sacris sunt, sacrâ Eucharistiam sume-
re, & quomodo, & quo habitu versari
in Ecclesijs, in choro, in sacristia, quæ
ibi præparanda, quæ facienda in mu-
nere suo, sive in majore sive in minore
ordine, canere, aut exercere debeant.

XXXIII.

XXXIII.

Aliena prædia lucri causâ ne condu-
cant, ne vé aliorum tutelâ & curam
fuscipliāt: curæ verò pauperum, & mi-
serabilium, præcipue qui adstricti sunt
animatorum curæ, sedulò invigilent at-
tendentes sibi, & vñiverso gregi, quæ
pascere debent verbo, & exēplo. *Cap.*
Pervenit, *dist. 26. Synod. Prov. S. Card.*

XXXIV.

PRo alijs ne fide jubeant, ne in lai-
corum procuratione & famulatu-
sint, nisi impetrata licentia: & si
inde scandalum, & suspicio oriri po-
test, omniuò abstineant: nec sint
patrini, nisi baptizantes. *Cap. Tunc*
quidem, *ii. q. 1. Cap. pen. 2. q. 5.*

XXXV.

Privilegijs suis non renuntient: non
enim possunt ijs renuntiare, cùm
sint in favorem status Clericalis, &
non singularis personæ: quare in ma-
nibus laici jurare non possunt, nec se
subije-

subiçere judici laico, nisi privilegium
fori amiserint, vel licentiam habue-
rint. *Cap. Cum non ab homine. de Iud.*
Concil. Trident. Sess. 21. cap. 2.

XXXVI.

Non alienent patrimonium, ad
cujus titulum sunt ordinati, ni-
si impetratâ licentiâ. *Concil. Antio-*
chen. Cap. 25. c. Quisquis. e. Sint
manifestæ. c. Episcopus &c. Res Eccle-
sia cum seq. q. 12. q. 2.

XXXVII.

Non incident in beneficiorum plu-
ralitatem, vel nundinationem
prohibitam, vel redditum Ecclesiasti-
corum malam consumptionem, imò
proprio sufficienti patrimonio con-
tentи sint, ne propinquos ditent de
bonis Ecclesiae & patrimonio Christi,
pauperum vībus destinatis & conse-
cratis. *Can. Apost. 59. & 75. Concil.*
Trident. Sess. 25. de Refor. cap. 1.

E P I L O G V S.


REstat igitur ut uno verbo SPECVLVM
hoc CLERICORVM ac SACERDOTVM
concludatur, & paucis multa dicatur
præmissaq; omnia complectatur, dum
CHRISTI Domini fideles servi & mini-
stri viscerosè deprecantur & hortan-
tur, ut in omnibus seipso præbeant
exemplum bonorum operum, in do-
ctrina sana, integritate, & gravitate,
abnegantes impietatem, & sæcularia
desideria: sobriè, justè, & piè viuen-
tes in hoc sæculo, ut sint sacri & sa-
crantes, perfecti & perficientes, illu-
minati & illuminantes, providentes
bona non tantùm coram Deo, sed
etiam coram hominibus, cùm de
illis divinitùs pronunciatum sit illu-
SANCTI ERVNT DEO SVO, ET
NON POLLVENT NOMEN IUS:
INCENSVM ENIM DOMINI, ET
PANES DEI SVI OFFERVNT, ET
IDEO SANCTI ERVNT.

Levit. xxii. c. 6.



SANCTIFICABOR
IN IIS QUI APPROPIN-
QUANT MIHI, ET IN
CONSPĒCTU OMNIS
POPVLI GLORIFICA-
BOR, AIT DÓMINVS.

Levit. x. a 3.





963966 **Bibliotheca** 1500,
P.P. Camaldulensium in Bielany

Depozyt w Bibliotece Jagiellońskiej



05602

e.I.39



e - l -

